



Tirkiye divê ji DAIŞ'ê bitirse, ne ji kurdan

► Rawêjkarê Giştî yê Asayîşa RHK'ê Mesrûr Barzanî derbarê hewldana Tirkiyeyê ya derbasbûna sînorê Rojava de got, „lazim e Tirkiye ne ji kurdan, lê ji DAIŞ'ê bitirse. Barzanî got ku tirk ji ber ku sînorê wan ji dêlva DAIŞ a dijminê mirovahiyê, ji aliyê kurdan ve tên kontrolkirin divê kêfxweş bibin.

► Barzanî balê kişand ser hewldanên serxwebûna Kurdistanê û got dewletek kurd ya serbixwe wê bikaribe hemû çekên giran rasterast ji bo xwe peyda bike û bi vî awayî wê dikaribe bi hêsanî pişt DAIŞ'ê deyne erdê.

R04

Li Rojava
Guherîna
Demoxrafyayê R06

Gora Şêx Seîd
hîn jî wenda ye! R07

Li Rojava tampona xeternak

DAIŞ Ji bo qeyranên siyasî û li hember pêvajoya serxwebûna Kurdistanê weke “şûreki” hate bikaranîn û herwiha wê jî, li gorî rola xwe, di serî de li Başûrê Kurdistanê û Rojava rûxandinên mezin pêk anîn. Bi saya hewlên dîplomatîk ên Serokê Herêma Kurdistanê Mesûd Barzanî kurdan alîkarî ji koalîsyona navnetewî wergirtin û dîsa di serî de Başûrê Kurdistanê, Rojava û herêmên din ên kurdan ji DAIŞ'ê hatin paqijkirin. Piştî van pêşkeftinan li Tirkiyeyê tevgerandineke leşkerî xwe da xuyakirin.



"Çareserî bi Barzanî pêkan e"

Qeyrana siyasî ku piştî pesendkirina pêşnûmeyasaya ku erka hîlbijartina serokê herêmê radestî parlamane dîke hate pesendkirin rû dabû bi serperîştîya Serokê RHK'ê Mesûd Barzanî helwesteke netewî hat bi pêş xistin. Herwiha civak û derdorên akademyê jî tînin zman ku pêdiviya kurdan bi wê yekê heye da ku maweya barzanî bê dirêjkirin.

Hevpêyvîn

Paksêreşt û wêjeya kurdî R08-9

Kirmanckî

Polîtîkaya zîwanî... R12-13

Welat Baz

Saqiz R10-11

Mehmet Gültekin

Nûman Hulusî Efendî R15

Çareserî bi Barzanî pêkan e

Li Başûrê Kurdistanê, di 23'ê Hezîranê de piştî ku bi serkêşiya YNK'ê û piştgiriya Tevera Goran, Yekgirtûya Îslamî û Komeleya Îslamî, li gel boykotkirina PDK, parlamentên pêkhatayên nijadî û olî û parlamentê Yekgirtû Dr. Dîndar Necman pêşnûmayasaya ku erka hîlbijartina serokê herêmê radestî parlamenê dike hate pesendkirin, qeyraneke siyasî rû da. Piştî ku li dijî ve hewldana ku wek derba parlamenî ya Îranê tê nîrxandin, bi serperêşiya Serokê Rêveberiya Herêma Kurdistanê (RHK) Mesûd Barzanî helwesteke neteweyî hat bi pêş xistin qeyran ber bi aramiyekê ve veguhezî û hin berpirsên van partiyên ji daxuyaniyên taybet ve şaşiyê ragihandin.

Li dû ve qeyrana siyasî, piştî ku Serokê RHK'ê Mesûd Barzanî bang li hemû partiyên kir da ku bi hev bişewirin û meseleyê çareser bikin û li dû ve bangê hin kesayetên Goran û YNK'yî egera betalkirin û paşvekeşana ve pêşnûmayasayê daxuyandî, rewşa siyasî hinekî aramtir bû.

Di qonaxê ku RHK'ê, bi şerekî hovane re rû bi rû ye, bi milyonan penaberên ku ji ber şer xwe spartine Kurdistanê, Bexda budceya herêmê naşîne û ji ber van sedeman qeyraneke mezin a aborî peyda bûye de, hewldana YNK'ê ya bi destwerdana Îranê û piştgiriya Goran, Yekgirtû û Komele ku pêşnûmayasaya erka hîlbijartina serokê herêmê radestî parlamenê dike, wek derba parlamenî tê nîrxandin. Bêguman ev hewldan di hundurê xwe de xeteriyên mezin ên ku dikare qonaxa serxwebûnê têk bibe ji dihevine û her wiha dikare hikûmeta ku bi hevpeymanîya hemû partiyên siyasî hatiye damezirandin ji hilweşîne. Lewre, heftaya çûyî gellek parlamentên PDK'ê yê ku me di derbarê mijarê de rayên wan wergirt ragihandin ku ev hewldana van partiyên ya bi şeweyê nepenî ve pêşnûmayasayê pêşkêşî parlamenê kirine û dane pesendkirin, ji alî wan ve wek hewldana hilweşandina hikûmetê tê dîtin û ger ku ev partî ve pêşnûmayasayê paş ve nekêşînin, wê temenê hikûmetê ji pir dirêj nebe.

'Ji bo çareseriyê lijne hat damezirandin'

Piştî van geşedanên li dû ve qeyrana siyasî rû dan, ji bo çareseriyê xebatên geşedana diyalogê ji destpê kirin. Jêderên parlamenê radigihînin ku bi ve mebestê, di bin serokatîya Serokwezîr Nêçîrvan Barzanî de, lijneyê ku ji Rawêjkarê Asayîşa Giştî ya Herêma Kurdistanê Mesrûr Barzanî, Sekreterê Meclîsa Partiyê ya PDK'ê Fazîl Mîranî û çend berpirsên PDK'ê pêk tê hatiye damezirandin. Jêder

her wiha didine zanîn ku PDK'ê projeyê ku wê aliyên siyasî dikaribin li serê hevdîtinan bimeşînin amade kirî ye. Di derbarê qeyranê û geşedanên siyasî de Parlameta PDK'ê Lîza Felekeddîn ku di heman demê de Endama Lijneya Têkiliyên Derve ya PDK'ê ye, amadekirina ve projeyê piştrast kir û da zanîn ku ji ber di naveroka ve projeyê de hin kêmasî hene, wan projeyê ji raya giştî re aşkere nekirî ye, lê belê piştî ev kêmasî bêne temamkirin wê proje ji raya giştî re bê aşkerekirin. Felekeddîn da zanîn ku wek mezintirîn û bingehitirîn partiya dîrokî ya Kurdistanê PDK, ew ê nehêlin tu hewldaneke ku Barzanî deralî dike bi ser bikeve û got: "Jixwe wijdanê raya giştî ya Kurdistanê ji wê tiştekî wiha qebûl neke. Çareserî tenê bi Barzanî pêkan e"

'Hevdîtin didomin'

Lîza Felekeddîn ragihand ku ji bilî hin daxuyaniyên taybet ên kesayetên, ev partiyên ku ve pêşnûmayasayê birine parlamenê û pesend kirine, heta niha tu daxuyaniyekê fermî nedane, lê belê lijneya ku ji PDK û hin berpirsên hikûmetê pêk tê, bi aliyan re hin hevdîtinan pêk anîne û dom kir: "Ji bo çareseriyê ve qeyranê daxwaza me ew e ku hemû partî li hev bişewirin û di xaleke hevbeş de bigihîjin biryarekî. Piştî ve hewldana xeternak, xwediyên ve hewldanê baş têgihîştine ku li cem gelê Kurdistanê Barzanî çiqas bi hêz e. Ji ber ve yekê em texmîn dikin ku ev partî wê ji bo 2 salên din ji serokatîya Serok Barzanî erê bikin"

'PDK'ê xebatên lijneyê tevizand'

Di derbarê mijarê de Parlameta Tevera Goran Bahar Mehmûd Fettah ku di heman demê de Cigira Serokê Lijneya Amadekar a Destûrê ye, ji BasNûçeyê re ragihand ku di ve mijarê de helwesta PDK'ê li dijî rêbazên yasayî bûye, li gel ku hemû partiyên pêşniyazên xwe pêşkêş kirine ji, PDK'ê di dema nîqaşên li ser mijarê yê di xebatên Lijneya Amadekar a Destûrê de tu pêşniyaz pêşkêş nekirî ye û her dijîtiya pêşniyazên van partiyên kirî ye. Fettah got: "Ji ber ve helwesta PDK'ê xebatên lijneyê tevizibûn. Ger ku xebat wiha tevizandî bimana, wê di dîroka ku hatiye diyarkirin de nivîsandina destûrê temam nebûya û ji ber ve yekê ev pêşnûmayasaya ji parlamenê re hate pêşkêşkirin û ji alî van partiyên ve hate pesendkirin" Fettah da zanîn ku Lijneya Amadekar a Destûrê, ji bo ku yasaya şeweya hîlbijartina serokê herêmê bigihîne 20'ê Tebaxê, roja ku maweya serokatîya Barzanî tije dibe helwestiya ye û got: "Lê bele PDK'ê pêşniyazên partiyên



di her piştguh kir û daxwaza xwe li ser hemûyan ferz kir. Ji ber ve yekê ji partiyên din bêçar man ku wiha tevbigerin"

"Angaşt Goran derî rastiyan e"

Hînkare Kolêja Ragihandinê ya Zanîngeha Selahadîn Dr. Rêzwan Badînî ji bi ser BasNûçeyê, li dijî angaştên Bahar Mehmûd Fettah derket û got: "Gotinên Birêz Fettah derî rastiyan in, çimku ev pêşnûmayasaya di nav Lijneya Amadekar a Destûrê de pir kêmtir hat nîqaşkirin. Van partiyên di nav hevde bi awayekî nepenî biryar standin û bîyî ku PDK'ê û raya giştî agahdar bikin, ji nişk ve pêşkêşî parlamenê kirin û pêşnûmayasayê xwe bi xwe pesend kirin" Badînî angaşt ku di rûdana ve qeyranê de destwerdana destên derve aşîkar e û dom kir: "Ji çapemeniyê re nehatiye ragihandin. Ev partî di nav xwe de biryar dane û pêk anîne. Lê belê gellek kesayetên ku ve xeteriyê têgihîştine û hêdî hêdî li dijî ve helwestê dengê xwe bilind dikin hene û Berdevkê Politbüroya YNK'ê Îmad Ehmed yek ji van kesayetên e. Em çavliê ne ku di rojên pêş de hejmara van kesayetên hin zêdetir bibe"

'Raya giştî dibêje Barzanî'

Li ser nîqaşa Barzanî li ser erka xwe bimîne yan nemîne Parlameta PDK'ê Lîza Felekeddîn diyar kir ku Barzanî temenê xwe di tekoşîna gelê kurd de xerc kirî ye, di eniyên herî pêş de Pêşmerge bi tenê nehiştîye û vîna tekoşeriyê xistiye dil, di qada navneteweyî de bi şeweyekî mutewazî û serkeftî nûnertiya kurd û Kurdistanê kirî ye û danasîna tekoşîna azadiyê ya gelê kurd kirî ye û got: "Lê belê divê ew kesên ku dixwain bi rêbazên ne etîk Barzanî berterafbikin zanibin ku ew şaş in. Çi piçûk, çi mezin, hemû gelê kurd

û piraniya layengirên van partiyên ji siyaseteke bîyî Barzanî qebûl nakin. D kanala NRT ya YNK'ê de antêteke li ser çûyî an ji mayîna Barzanî hatiye pêkanîn û ji sedî 80'ê beşdarvanan rayên xwe dane mayîna Barzanî. Ev yek ji wan nîşaneyan e ku gel çiqas ji Barzanî hez dike"

Barzan: Li hev bişewirin

Piştî ku qeyrana siyasî rû da Serokê RHK'ê Mesûd Barzanî bi tu awayî dest nehavête mijarê û bi sunûnet çavdêrî kir. Lê piştî 6 rojan Barzanî bi daxuyaniyekê nivîskî ragihand ku ev qeyran di hundur xwe de egerên xeteriyên mezin dihevine û bang li hemû partiyên kir ku li hev bicivin, bişewirin û biryareke ku dikare ve qeyranê çareser bike bistînin. Barzanî da zanîn ku beriya qeyranê ji wî bang li aliyên siyasî kirî ye ku nehêlin ev mijar bibe sedema qeyraneke siyasî, lewre ew ê qeyran ziyane bide hemû aliyan jî. Barzanî hemû partiyên siyasî hişyar kir got: "Di ve qonaxa ku li dijî Kurdistanê êrîşên mezin tene kirin û li dijî van êrîşan berxwedaneke dîrokî û bêhempa tê dayîn de îro, ji her demê bêtir pêwîstiya me bi hurmet û giramîdayîna hev heye. Ev meseleyê grîng e û divê heta 20 Tebaxê bê çareserkirin" Barzanî diyar kir ku ger hemû alî bi prensîbên hevsaz tevbigerin û biryaran werbigirin, ew garantî dide ku berpirsariyên dikevin ser milên wî bi cih bîne. Barzanî di derbarê qeyrana aborî û bandora wê ya li ser civakê û bi taybetî li ser Pêşmerge hanî bîra parlamenê û partiyên siyasî û ji wan xwest ku ji bo çareserkirina van pirsgerîkan bêtir helwestin.

Fermana amadebûna çûna Rojava

Piştî ku hêzên kurd li Rojava, Grî Spî ji DAIŞ'ê rizgarkirin û DAIŞ'ê li Hesêkê li dijî



hêzên rejîmê dest bi êrîşan kir, hin taxan bi dest xist, dûre êrîş bir ser taxên kurd û xeteriya ketina Hesekê rû da, hat ragihandin ku Serokê RHK'ê Mesûd Barzanî ji bo ji nû ve çûna Rojava fermana amadebûnê daye Pêşmerge. Serfermandarê Hêzên Pêşmerge Cemal Emînkî, ragihand ku ji bo piştigiriya hêzên kurd a li Hesekê û derdora wê Serokê RHK'ê Mesûd Barzanî fermana amadebûnê daye Pêşmerge. Barzanî, sala çûyî jî, piştî ku DAIŞ'ê êrîşî Kobanê kir û piraniya bajar dagir kir, piştî diplomasiyeye piralî, bi ser Tirkîyeyê ve çûna Pêşmerge pêkan kir û ferman da Pêşmerge ku li gel çekên giran biçine Kobanê û li gel hêzên kurd şer bikin. Her wiha hefteya çûyî Fermandarê Hêzên Gulan General Mensûr Barzanî jî serî li Wezareta Pêşmerge dabû ku ew amade ne biçine Rojava.

Hewlêr Bexdayê hişyar kir

Du hefte berê Hikûmeta Herêma Kurdistanê di warê aboriya serxwebûnê de gaveke dîrokî avêtibû û biryar dabû ku ew ê petrola xwe bi serê xwe bifroşe. Piştî civîna serkirdeyên hikûmetê û nûnerên partiyên siyasî bi hev re ve biryarê stendin, nûnerên partiyên xwestin ku şenseke din bidine Bexdayê. Di çarçoveya vî şensdayînê de wê Hewlêr ji bo frotina petrolê 3 bijarte pêşkêşî Bexdayê bike. Rayedar didine zanîn ku piştî ve biryarê rêjeya petrola ku ji Bexdayê re tê şandin pir hatiye kêmkirin û eger Bexda xwe nêzîkî diyalogê neke ew ê hinardekirina petrolê bi tevahî bidine sekinandin. Serokê Lijneya Enerjî û Petrollê ya Parlamana Iraqê Arez Abdullah diyar kir ku ger Bexda budceya Kurdistan neşîne mafê kurdan jî heye ku petrolê nedin SOMO'yê.

Di 2'ê Kanûna 2014'an de di nav Hewlêr û Bexdayê de peymanek hatibû morkirin û li gor vê peymanê, wê Herêma Kurdistanê rojane 550 hezar bermil petrolê bide Bexdayê û di bergidana ve de wê Bexda jî ji sedî 17 para budceya Kurdistan û meaşên Pêşmerge û karmendan.

'Min Malîkî hişyar kiribû'

Di dema dagirtina Mûsilê ya DAIŞ'ê de, artêşa Iraqê hemû çekên xwe yê giran li Mûsilê ji DAIŞ'ê re hiştibû û ji bajar reviyabû. Li ser vê yekê Parlamana Iraqê, ji bo aşkerakirina ve bûyerê Lijneya Lêkolînê ya Bûyera Mûsilê damezirandibû. Serokê RHK'ê Mesûd Barzanî di derbarê bûyerê de pirsên lijneyê bersivand. Barzanî da zanîn ku beriya DAIŞ bikeve Mûsilê wan Bexdayê hişyar kirî ye. Barzanî diyar kir ku li gel hêzên artêşê ji Mûsilê reviya jî

Pêşmerge li hin deveran çeperên xwe neterikandiye û herêmên ku lê bûne parastiyê.

Bêhn li DAIŞ'ê tê çikimandin

DAIŞ'a ku hêza wê ya êrîşkariyê nemaye roj bi roj derbên girantir dixwe. Hat ragihandin ku di encama êrîşên hewayî yê hêzên hevpeyman û operasyonên Pêşmerge yê hefteyê de li navçeya Başika ya Mûsilê 19, li navçeya Guwerê li gel çend emîran 30, li navçeya Mihelebiya di encama êrîşa hewayî ya li dij konvoya DAIŞ'ê de 5 emîrên DAIŞ'ê hatine kuştin. Hat ragihandin ku di nav DAIŞ'iyên ku li Guwerê hatine kuştin de payebilindê DAIŞ'ê yê bi navê Muhemmed Ehmed Farisê Îranî jî hebûye.

Mesrûr Barzanî: Li dij DAIŞ'ê pêdivî bi çekên gran heye

Ji alî din ve Rawêjkarê Giştî yê Asayîşa RHK'ê Mesrûr Barzanî di civîna bi şandeya ku ji senator û berpirsên leşkerî yê DYA'yî pêk dihat de ji şandeyê xwest ku DYA bêtir alîkariya çekên giran bide RHK'ê. Barzanî di civînê de bi bir xist ku ev şerê ku Pêşmerge li dij DAIŞ'ê dimeşîne, ne tenê şerê Kurdistan e, her wiha şerê hemû cihana azad e û got: "Ji ber vê yekê divê DYA, bêtir alîkariya çekên giran û bi taybetî jî alîkariya çekên giran bide Pêşmerge. Ger ku di destê Pêşmerge de çekên giran hebûna, di şerê li dij DAIŞ'ê de wê ev çend wundahî û birindarî pêk nehatibûna" Barzanî her wiha pêwîstî bi wê yekê jî kir ku divê Hikûmeta Iraqê jî li gor berpirsariyên xwe yê destûrî tevbigere û piştigiriya hêzên Pêşmerge bike. Di hevdîtînê de Serokê Lijneya Amedekar a Leşkerî ya Meclîsa Nûnerên Kongreya DYA Rob Wittman jî da zanîn ku gelê Amerika piştigiriyeke mezin dide Herêma Kurdistanê.

Zavayê Elî Bapîr hate girtin

Ji alî din ve hate ragihandin ku Mihemmed Keyfî'yê zavayê Serkirdeyê

Komeleya Îslamî Elî Bapîr, bi gumana tawanê terorê pêk aniye, ji alî Tîmên Dijterorê yê Asayîşa Hewlêrê ve hatiye girtin. Asayîşa Hewlêrê di derbarê mijarê de daxuyand ku Mihemmed Keyfî piştî derketiye dadgehê jî alî dozgeriyê ve bi tawanê terorê hatiye girtin.

Pêşmerge dibe artêşa yekdest

Xebatên ji bo yekdestkirina hêzên Pêşmerge dom dikin. Hat ragihandin ku bi mebesta dikaribin li dij DAIŞ'ê bi rêk û pêş şer bikin û pêdiviya amadekirina artêşeke yekdest a serxwebûnê, heta niha jî bo Lîwaya Pêşmerge ya nû 5 hezar hemwelatiyan serê li Wezareta Pêşmerge daye. Di çarçoveya xebatên ji bo Lîwa 80 ya PDK'ê û Lîwa 70 ya YNK'ê di bin banê Wezareta Pêşmerge de bûn sazûmankirin, heta niha 3 lîwayên yekdest ên Wezareta Pêşmerge hatiye pêkanîn. Hat ragihandin ku ev sê lîwa, wê di çarçoveya bernameya perwerdekirin û bi çekkirinê de ji alî DYA'yê ve tene perwerdekirin. Di derbarê mijarê de Fermandarê Pêşmerge Arî Hersîn ragihand ku yekdestkirina hêzên Pêşmerge ne karekî hêzan e, di 6 mehan de temam nabe, lewre reşrojên raboriyê vî karî pir asteng dikin. Hersîn got: "Ev hêzên ku tê xwestin yekdest bibin di raboriyê de li dijî hev şer kirine û kevneşopiya dî rêveberiyê heye. Divê neyê jî birkirin ku ev lîwayên şayanî gotinê ne hêzên dî partiyên ku berê şerê hev kirine. Lê ev nayê wê wateyê ku wê herdu lîwa neyên yekdestkirin.

Sekreterê Giştî yê Wezareta Pêşmerge Cebbar Yawer jî da zanîn ku qonaxa yekdestkirina hêzên Pêşmerge dom dike, lê belê şerê li dij DAIŞ'ê xebatan asteng dikin. Li ser biryara parlamenê ya maweya yekdestkirina hêzên girêdayî PDK û YNK'ê jî Yawer got: "Em bêçar in ku biryara parlamenê bi cih binin, lê belê parlamenê bi yek alî wê biryarê da û bi ser dîroka ku parlamenê destnîşan kiribû ve 5 meh derbas bûye"



Mesrûr Barzanî:

Wê serxwebûn dawîya DAIŞ'ê bîne

Li Başûrê Kurdistanê, ji aliyekî nîqaşên li ser qeyrana siyasî ya ku piştî Yekîtîya Nîştîmanên Kurdistanê (YNK), di 23'ê Hezîranê de, li gel boykote Partiya Demokrat a Kurdistanê (PDK), pêşnûmayasaya ji alî Îranê ve morkirî bi piştigiriya partiyên din di parlamenê de da pesendkirin ku piştî ku Serokê Rêveberiya Herêma Kurdistanê (RHK) Mesûd Barzanî dest avête meseleyê, rewş ber bi arambûnê ve veguherî, ji aliyê din ve jî Rawêjkarê Asayîşa Giştî ya RHK'ê Mesrûr Barzanî di derbarê agirê şerê ku Rojhilata Navîn daye ber xwe de û hevseriyên siyasî û dîplomatîk de daxuyaniyên grîng dan.

Mesrûr Barzanî di hevpeyvîna xwe ya bi Amberin Zaman a peyamnêra El Monitor'ê de, li ser mijarên wek; Şerê ku li Başûr û Rojava li dij DAIŞ'ê tê meşandin, helwesta Tirkîyeyê ya li ser geşedanên dawî, qeyrana siyasî ya di navbera Hewlêr û Bexda û bandora wê ya neyênî û di şerê li dij DAIŞ'ê de sîda Kurdistana serbixwe nixandînen grîng kir û got: "Wê Kurdistana serbixwe dikaribe DAIŞ'ê biqedîne" Barzanî da zanîn ku di şerê li dij DAIŞ'ê de tu kesî wek kurdan bedêl nedaye, ji bo RHK dikaribe vî şerî xweş bimeşîne, pêdiviya wê bi çekên giran heye, ji ber ku Bexda çekên giran nade Pêşmerge ev yek destên rê li pêşî serkeftinên mezin digire û got: "Ji ber vê yekê ger ku Kurdistana serxwebûna xwe ragihîne, wê dikaribe hemû çekên giran rasterast ji bo xwe peyda bike û bi vî awayî wê dikaribe bi hêsanî piştî DAIŞ'ê deyne erdê"

'Iraq projeyek pêkan nîne'

Mesrûr Barzanî diyar kir ku li Iraqê kurd li herêma Kurdistanê, Şia li herêmên xwe û DAIŞ jî li herêmên sunneyan sesrdest in, ev dabêşbûn wê nehêle ku Iraq yekgirtî bimîne û ji ber vê yekê jî Iraq projeyek pêkan nîne. Barzanî anî zîman ku ew ne alîgirên veqetîna bi zorê ne, lê belê ew alîgirên hevberdana peymanbestî ne û dom kir: "Rêveberiya navendî, bi israr nahêle ku herêmên bi nakok li gor yasaya 140 a ku referandumê ferz dîke û şeriyên wan herêman li gor daxwaza xwe, dikarin rêveberiya ku dixwazin pê ve bîne grêdan hilbijêrin. Em dixwazin pirsgirêkên bi herêmên din re bi diyalogê çareser bikin, lê belê DAIŞ li derveyê wê gotina me ye û çiqas dirêj dom bike jî divê DAIŞ bê têkbinin.

Ji meha Tebaxê ya par ku şerê DAIŞ'ê destpêki heta niha 1280 Pêşmerge jiyana xwe ji dest dane û nêzîkî 7000 jî birîndar bûne. Lê belê li hemberî wê yekê 11.000 DAIŞ'î hatine kuştin û herêmên bi nakok jî tê de, me qadeke 20.000 kilometr çarçûk axa ku DAIŞ'ê dagir kiribû jî dest wê rizgar kirin û ev qad niha di bin kontrola me de ne" Barzanî di şerê li dij DAIŞ'ê de, li gel destnîşankirina girîngiya alîkariya frokeyên hêzên hevpeyman, bi bir xist ku ev tekoşîna ku li dij DAIŞ'ê tê meşandin hêdî û giran e û ev jî dibê sedem ku bêtir kesên sivil kêne



kuştin. Barzanî got: "Divê civaka navnetewî di şerê li hember DAIŞ'ê de bêtir biryardar be. Ger ev biryardarî pêk bê wê DAIŞ'ê bi leztir bê berterafkirin"

'Divê Tirkîye ji DAIŞ'ê bitirse'

Piştî ku li rojava, ligel hêzên Burkan el Firat rizgarkirina Girê Spî ji destê DAIŞ'ê û yekbûna kantonên Cizîrê û Kobanê pey re jî rêvebirên PKK'yê gotin ku ew ê Firat'ê derbas bibin kantonên Efrînê jî tevî erdnîgariya Rojava'yê bikin serokkomarê Tirkîye û rêveberên hikûmetê û medyaya wan bi daxuyaniyên tund PYD sîddar kirin û gotin ku ji DAIŞ'ê xetertir e û çekên giran li Karkamîş'a li hemberî Cerablus'ê bi cih kirin. Li ser wê helwesta Tirkîyeyê Musteşarê Asayîşa Giştî yê herêma Kurdistanê Mesrûr Barzanî da zanîn NATO'ya li hemberî DAIŞ'ê şer dîke û Tirkîye jî endamê wê ye divê Tirkîyeyê bikişîne ser xeta alîkariyê. Her wiha geşedan û pêşveçûnên bi xeter ên li Sûrî dê tenê li wê derê bi sînor nemîne û dê ev yek pêvajoya çareseriyê ya li Tirkîyeyê tîkê bibe. Em jî wê bi fikar in. Barzanî got ku tirk jî ber ku sînorê wan li dewsa DAIŞ'a ku dijmînê mirovahiye ye, ji aliyê kurdan ve tîkê kontrolkirin divê kêfxweş bibin. Mebest jî wê ne tenê PYD, hin partî û hêzên din yê kurdan jî hene. Barzanî da zanîn ku DAIŞ tîkê diçe û dixwazin pêvajoya aştiyê pêş bikeve û heke fikarên Tirkîyeyê jî PYD'yê hebin divê alîkariya opozîsyona nerm a ku DYA jî piştigiriya wê dîke, bike.

Barzanî, mijara Kurdistaneke ku Rojava jî pê ve hatiye grêdan jî nixand û got ku Herêma Kurdistanê di çarçoveya destûra Iraqê de herêmeke yasayî ye û di qada navneteweyî de jî wisa hatiye naskirin, ew awirên xwe li ser wê rewatiyê tîj dikin û dix-

wazin bi dewletên cîran rei tîkiliyên dostane bigeşînin"

'Tirkîyeyê heviyên me tîr nebersivand'

Rawêjkarê Asayîşa Giştî yê RHK'ê Mesrûr Barzanî, di derbarê êrişê DAIŞ'ê ya li dijî Kurdistanê û helwestên welatên cîran de jî daxuyaniyên grîng dan. Li ser daxwaza Tirkîyeyê ya ku xwestibû di pirsgirêka ku li Şengalê di navbera PDK û PYD'ê de rû dabû de navbeynkariyê bike, Barzanî da zanîn ku di destpêkê de, dema DAIŞ'ê dest bi êrişê Herêma Kurdistanê kirî ye ew jî Tirkîyeyê pir bi hêvî bûne, lê belê Tirkîyeyê hêviyên wan tîr nebersivandiye û ji ber vê yekê daxwaza Tirkîyeyê ya navbeynkariyê wek hewldaneke derengmayî nixand. Barzanî da zanîn ku Şengal, şûnwareke di nav sînorên RHK'ê de ye û pirsgirêkên wê herêmê jî alî Pêşmerge ve çareser bûne. Barzanî diyar kir ku hebûna PYD'ê ya li Şengalê jî weke ya Pêşmergeyên ku çûn Kobanî wek mêvandarîyê ye û hêviya gelê Kurdistanê jî ew e ku dema peywira van hêzan bi dawî bibe ev hêz vegerin herêmên xwe.

Barzanî di derbarê avakirina artêşa neteweyî ya kurd de jî got: "Hemû hêzên Kurd ên perçeyên Kurdistanê li hember DAIŞ'ê bûn yek û bi şev re şer kirin, lê belê di mercên îroyîn de avakirina artêşa neteweyî ya Kurdistan zû ye. Kurdên perçeyên din niha divê piştigiriya bidin RHK'ê. Şengal beşek e ji axa RHK'ê. Li wê derê tu erkeke ku bikeve ser milê PKK'ê tune ye û dema mercên wê herêmê goncav bibin, divê hêzên PKK û PYD'ê jî wê herêmê vekişin" Barzanî bi bir xist ku Qendîl jî beşek ji axa Iraqê ye û yek jî sedemên daxwaza wan a serkeftibûna pêvajoya çareseriyê ya li Tirkîyeyê jî rewşa Qendîl'ê ye.

'Haşdî Şabî nakeve Kurdistanê'

Barzanî, di derbarê siyaseta Îranê ya li ser herêmê û Haşdî Şabî jî pêwîstî bi wê yekê hanî ku divê statuya Haşdî Şabî ya li Iraqê wek yasayî bê zelalkirin. Barzanî wiha dom kir: "Hêzên leşkerî yê RHK'ê Pêşmerge ne û divê ji wê yekê re rêz bê girtin. Haşdî Şabî, li hin herêman Pêşmergeyan wek berdestên xwe bibînin jî em rê nadin. Her wiha em ê nehêlin ku tu hêzeke din destwerdana RHK'ê bike. Hin hêzên herêmî yê ku bi hêzên sêyemîn ve girêdayî ne hene. Lê belê armanca sereke ya RHK'ê ew e ku bi cîranên xwe re tîkiliyên dostane bimeşîne û Kurdistaneke demokrat bigeşîne"

'Divê DYA çekên giran bide Pêşmerge'

Ji alî din ve Rawêjkarê Giştî yê Asayîşa RHK'ê Mesrûr Barzanî di civîna bi şandeya ku ji senator û berpirsên leşkerî yê DYA'yî pêk dihat de jî şandeyê xwest ku DYA bêtir alîkariya çekên giran bide RHK'ê. Barzanî di civînê de bi bir xist ku ev şerê ku Pêşmerge li dij DAIŞ'ê dimeşîne, ne tenê şerê Kurdistan e, her wiha şerê hemû cîhana azad e û got: "Ji ber vê yekê divê DYA, bêtir alîkariya çekan û bi taybetî jî alîkariya çekên giran bide Pêşmerge. Ger ku di destê Pêşmerge de çekên giran hebûna, di şerê li dij DAIŞ'ê de wê ev çend wundahî û birîndarî pêk nehatibûna" Barzanî her wiha pêwîstî bi wê yekê jî kir ku divê Hikûmeta Iraqê jî li gor berpirsariyên xwe yê destûrî tevbigerê û piştigiriya hêzên Pêşmerge bike. Di hevdîtîne de Serokê Lijneya Amedekar a Leşkerî ya Meclîsa Nûnerên Kongreya DYA Rob Wittman jî da zanîn ku gelê Amerika piştigiriyeke mezin dide Herêma Kurdistanê.

Li Rojava tampona xeternak

DAIŞ Ji bo qeyranên siyasî û li hember pêvajoya serxwebûna kurdistanê weke “şûrekî” hate bikaranîn û herwiha wê jî, li gorî rola xwe, di serî de li Başûrê Kurdistanê û Rojava rûxandinên mezin pêk anîn. Bi saya hewlên diplomatîk ên Serokê Herêma Kurdistanê Mesûd Barzanî kurdan alîkarî ji koalîsyona navnetewî wer-girtin û dîsa di serî de Başûrê Kurdistanê, Rojava û herêmên din ên kurdan ji DAIŞ’ê hatin paqijkirin. Piştî van pêşkeftinan li Tirkîye’yê tevgerandineke leşkerî xwe da xûyakirin.

Rayedarên Rojavayê Kurdistanê jî digel van bûyeran di daxûyaniyên xwe de bertek nîşanî hewlên Tirkîye’yê yên weke avakirina herêmeke tampon dan û gotin ku ji ber derfetên piştgirîkirina van hêzan ji bo Tirkîye’yê nemanê loma ew dixwazin hewlên wisa bidin. Lê ew ji van gefên Tirkîye’yê natirsin û amade ne ku Rojavayê Kurdistanê biparêzin. Endamê Konseya Rêvebir ê KCK’ê Mûrad Karayilan di derbarê vê yekê de ragihand ku ew van gefên ku Tirkîye li Rojava dike weke ku ji gelê Bakurê Kurdistanê re tèn kirin, dinirxînin û got, “Eger ku ew destdirêjîya rojava bikin emê destdirêjîya wan bikin û wê çaxê jî wê tevahiya Tirkîye’yê veguhere qada şer.” Herwiha Karayilan ragihand ku ev tevgerên leşkerî yên ku li bakurê kurdistanê diqewimin têne wateya bidawîbûna pêvajoya rawestandina şerê çekdarî jî.

Li sînor lodgeha leşkerî

Piştî ku hêzên kurd DAIŞ’ê ji Girêspî derxistin gefên Tirkîye’yê ji bo Rojava zêdetir bûn û hîn jî didomin. Piştî civîna Lijneya Ewlehiya Neteweyî ya ku di bin serokatiya Serokomarê Tirkîye’yê Recep Tayyip Erdogan de pêk hat belavokê hate belavkirin û di wê belavokê de hate ragihandin ku ji bo gefên ku dibê ku li hemberî ewlehiya Tirkîye’yê biqewimin dê ew li ser her tedbîrê bi hûrgilî rawestin. Di heman belavokê ev tişt hatin gotin, “Amaje lê hate kirin ku li tevahiya welêt wê têkoşîna li hemberê rêxistinên terorê, ew ên ku rakirina ji holê ya ewlehî û mafê jiyane ya tevahiya welatîyên me bi biryardarî bidome. “Piştî vê belavoka Lijneya Ewlehiya Neteweyî herêma tampon a ku ev çend meh in Komara Tirkîye’yê dixwaze li Rojava ava bike dîsa kete rojevê. Herwiha bi hinardina hezaran leşker û cebilxaneya ji bo Karkamişa Dîlokê û Kilisê şiroveyên weke ku “Tirkîye amadehiyên êrişê dike.” derketin holê.

Li Heskê şer û koçberî

Êrişên DAIŞ’ê yên li hemberî Hesekeya Rojavayê Kurdistanê didomin. Meriv dikare bêje ku rêveberiya bajêr bûye du paran. Hin herêmên bajêr di destê rejîmê de, herêmên ku kurd lê zêdetir in jî di destê hêzên kurd de ne. Asûrî û sûryaniyên ku ji ber DAIŞ’ê reviyane jî xwe spartine taxên kurdan. Li gorî agahiyên ku ji rêveberiya bajêr hate wer-girtin 60 hezar sîwîlên ku ji Heskê reviyane li bajarên weke Qamişlo, Amûdê, Dêrik û Dirbêspiyê hatin bicîkirin.



Hêzên kurd di bereyên xwe de ne

Hevserokê Meclîsa Qanûnsaz a Kantona Cizîrê Ekrem Heso pêkhatinên herî dawiyê ên li Heskê nîrxandin û got ku li Heskê digel hêzên kurd hêzên asûrî û sûryaniyan ku ew girêdarî meclîsa kantona Cizîrê ne, bi wan re di çeperan de ne.

Heso diyar kir ku rejîma Sûriye’yê li dijî DAIŞ’ê operasyonên ku bi balafirên tèn piştgirîkirin dane destpêkirin. Ekrem Heso wisa berdeham kir: “DAIŞ’ê heta niha herêmên kurdan ji bo xwe bi awayekî rasterast nekirine armanca êrişan. Lê li hinek herêman hêzên kurd li dijî DAIŞ’ê di şer de ne.” Herwiha Heso ragihand ku qontrola bajêr di destê hêzên kurd de ye û dê ew nehêlin ku DAIŞ’ê bi pêş ve biçê. Ekrem Heso amaje pê kir ku DAIŞ’ê de weke herêmên din li Heskê jî bê paşvexistin.

Baweriya kurdan bi rejîmê nayê

Ekrem Heso di berdehamiya axaftina xwe de qala pevçûnên di navbera rejîm û DAIŞ’ê de û qala peymanê ku tê gotin dê rejîm û hêzên kurd bi hev re bi DAIŞ’ê re şer bikin jî kir. Herwiha Heso got ku ew bi rejîmê bawer nakin. Ew çendî caran li Heskê bi rejîmê re pevçûne û got dê ew bi rejîmê re tevnegerin. Heso diyar kir ku ew xwendiyê wê hêzê ne ku ew dikarin DAIŞ’ê li Heskê têk bibin û Herwiha YPG û YPJ’ê hêzên teqewiyê kişandine Heskê.

‘Dê pevçûnên li Heskê qedera DAIŞ’ê diyar bikin’

Rojnamevanê bi navê Ciwan Nedîm ku yek ji rojnamegerên li Heskê ye di derheqê geşedanên li herêma de agahî dan

rojnameya me û diyar kir ku dê pevçûnên di navbera rejîm û DAIŞ’ê de kurt biajon û niha rejîm DAIŞ’ê bi balefirên şer bombebaran dike. Nedîm got ku DAIŞ’ê çend caran hewl daye ku êrişî taxên kurdan bike. Lê kurdan her tim bersiva wan daye û ew neçar mane ku paşve bikêşin. Ciwan Nedîm amaje pê kir ku dê pevçûnên li Heskê qedera DAIŞ’ê jî diyar bike. Nedîm wisa berdeham kir: “DAIŞ’ê tevahiya çekên ku wê ji Deyrazor, Rakka û Mûsilê anîne li Heskê bi kar tîne. Heskê bajarekî nêzî navenda DAIŞ’ê ye. Eger ku Heskê û havirdora wê ji DAIŞ’ê bê paqijkirin wê DAIŞ’ê tavilê li Sûriye’yê bê paqijkirin.”

Rewşa Kobanê aram dibe

Weke tê zanîn DAIŞ’ê di 25’ê Hezîranê de êrişî Kobanê kiribû û ji ber vê jî 300 mirav miribû û 350 mirov jî birîndar bibûn. Lê hêdî hêdî birînen vê êrişê têne dermankirin. Rêveberiya bajêr bi zêdekirina pêşgiriyan ewlehiyê û li taxan bi zêdekirina hêzên parastinê hewl dide ku çizirandinên DAIŞ’ê jî pêş ve asteng bike. Hevseroka Meclîsa Qanûnsaz a Kantona Kobanê Fewziya Ebdo pêşkeftinên piştî êrişên DAIŞ’ê ji rojnameya me nîrxandin. Herwiha Fewziya Ebdo diyar kir ku gel vegehiyaye ji yana xwe ya rojane û morala gel jî gelekî li ci ye. Ebdo got birîndarên ku piştî êrişên DAIŞ’ê ji bo Pîrsûsê hatî ragihandin jî baştir bûne.

Kurd bi hev re ne

Li aliyê din Wezîrê Parastinê yê Kantona Kobanê Îsmet Şêx Hesen jî bal kişand ser tevgerên leşkerî yên li ser sînor û da zanîn ku hewlên herêma tampon û her êrişê ku ji aliyê Tirkîye’yê ve bê dê bê bersivandin. Şêx Hesen diyar kir ku hêzên kurd heta niha gelê

kurd parastine û dê ew vê peywira xwe her tim jî bi ci bînin. Şêx Hesen got, “Me heta niha gelê xwe parast û em ê ji vir û şûn ve jî biparêzin. Daxûyaniyên rayedarên Tirk gelekî komîk in. Ji ber ku me girêdaryên wan ên bi DAIŞ’ê re birin dê ew êdî nikarin alîkariya wan bikin.”

Şêx Hesen jî bo pîrsa “Ti daxwazên we yên weke hatin ango alîkariya Pêşmerge çêbûn an na?” jî got, “Heta niha ti daxwaziyên me çênebûn. Me digel pêşmerge serkeftinên mezin li hember DAIŞ’ê bi dest xistin. Em dizanin ku Pêşmergeyên Rêveberiya Herêma Kurdistanê amade ne ku rojava biparêzin.” Herwiha Şêx Hesen diyar kir ku peyama Serokê Herêma Kurdistanê Mesûd Barzanî û fermana fermanarên Pêşmergeyan a ji bo “amadebûn”ê pir giring e.

Ji bo Kobanê 30 ton derman alîkarî

Alîkariyên Herêma Kurdistanê yên ji bo Rojavayê Kurdistanê jî didomin. Wezîrê Tendirûstiyê yê Rêveberiya Herêma Kurdistanê Dr. Rekawt Heme Hûrşîd jî got heta niha digel alîkariyên weke xwarin û sotemeniyê yên Weqfa Xêrxaziyê ya Barzanî wan jî alîkariyê ku ji 30 ton derman pêk tê gihande Kobanê.

Wezîrê Tendirûstiyê amaje pê kir ku bêtî ti daxwaz bèn wan kargoya pêdiviyên dermanî şandiyê û got, “Serokatiya Herêma Kurdistanê, saziya serokwezîriyê, serokatiya parlamentoyê û herwiha tevahiya sazîyên fermî û gelê Başûrê Kurdistanê li hemberî vê êrişê DAIŞ’ê bûne yek deng û eger tekane qutiyeke me ya dermên hebe jî em amade ne ku wê jî bi Rojava re parvekin.”

Guherîna Demoxrafyayê

'Navê min navê te kumê min li serê te'

Kalê Badî

Her çiqas Rejîma Baas'ê ya Sûriyeyê ji ber mercên şer bêdeng bimîne û heta radeyekê razî bibe jî, piştî bidestxistina Grê Spî, dijminahiya dirokî ya kurdan xwe li ser zimanê payebilindên Hikûmeta Tirkiyeyê û nijadperestan, bi awayekî zelal xwe pîrbare kir û kurdan bi guhertina demografyaya şûnwarên tirkmen û ereban tometbar kirin. Bi vê mebestê me çavê xwe li arşîvên dirokî yê guhertina demografyaya Rojavayê Kurdistanê vegehand û bi pîsporan re xwest vê meseleyê nîqaş bikin. Lê çavkanî û pîsporan diyan dikin ku di rastiyê de kurd rastî van pêkanînan hatine.

Dîroka guhertina demografîk a Rojava

Piştî ku hêzên kurd ên Rojavayê Kurdistanê, Grê Spî ji dest DAİŞ'ê derxistin û Kobanê û Cizîrê gihandin hev, bi tometa guhertina demografî, rastî sîncdarkirinên nebî yê erkana hikûmeta tirk û çapemeniya qewraş hat. Ev tometa nebî ku diyar bû dîrî rastîyan e, careke dinê paşxana guherînan demografîk ên ku ji alî dewletên serdest li dijî kurdan pêk anîne anî bîra kurdan. Lewre ji Osmaniyan heta Komara Tirkiyeyê, ji destpêka desthilatiya Baas'a Iraqê heta Seddam Hiseyîn, ji dema Şahrewayîya Îranê heta Rejîma Îslamî ya Şîa û ji dema metîngerîya Frensî ya Sûriyeyê heta Rejîma Baas û Hafîz Esad, li dijî kurdan ev siyaseta hatibû bikaranîn. Weke guhertina demografyaya Urmiye û gellek deverên din ên Rojhilat û Kerkûk, Mûsil û deverên din ên Başûr, Kembera Ereb jî projeyeke guherîna demografyaya Rojavayê Kurdistanê bû. Di sala 1962'yan de wek projeyeke nivîskî ji alî Mihemmed Tayîp Hîlal ve hate amadekirin û di 1966'an de hate destpêkirin. Rêveberê Beşa Rojhilata Navîn a Kome-



leya Gelên di Bin Gefê de ya Navneteweyî Dr. Kemal Sîdo diyar kir ku wek raman, Kembera Ereb jî mêj ve, di hişê desthilata Sûriyeyê de hebû, ji dema ku Sûriye di bin metîngerîya Fersiyan de bû, ev plansazî ji alî Frensiyan ve jî hatibû pesendkirin û herwiha dewletên din ên ku Kurdistanê di nav xwe de parve kiribûn û bi taybetî Tirkiyeyê piştgirî dabûn vê projeyê.

Dû partiyên Baas û heman politîka

Piştî Grê Spî ji DAİŞ'ê hate paqijkirin ev mijar careke din kete rojevê. Civaknas Îsmail Beşikçi ku yek ji pîsporan şareza yê vê mijarê ye dibêje: "Çawa ku Baas'a Iraqî li Başûr pêk anî ye, Baas'a Sûriyeyê jî vê politîkaya ku kurdan ji Kurdistanê biqewirînin û ereban di şûna wan de bi cih bikin li Rojava pêk anî ye. Di navbera salên 1937 û 2006'an de Baas'a Iraqê û Seddam, di navbera salên 1930 û 2000'an de jî Serokkomar Nûreddîn Atasî û Hafîz Esad li Rojavayê Kurdistanê vê politîkayê meşandine. Di sala 1960'an de li Kerkûkê

ev politîka hatiye destpêkirin û di salên 1970'an de bi destê Seddam Huseyîn derketiye asta herî bilind" Beşikçi, dide zanîn ku Kembera Ereb ku wek 'Heyva Zêrîn' tê binavkirin, li ser xeta sînorê Tirkiye û Sûriyeyê, ji sînorê Iraqê heta Efrînê dirêj dibe.

'Armanca guhertina demografîk bû'

Dr. Kemal Sîdo jî di hevpeyvîna ku li gel me kir de diyar kir ku Kembera Ereb bi dirêjahiya, 300 km û kûrbûna 10-15 km ji sînorê Iraqê, di ber sînorê Tirkiyeyê re heta serê kaniyê dirêj dike. Sîdo anî ziman ku li gor agahiyên li cem wî, ji ber ku di navbera Kobanê û Serê Kaniyê de Grê Sipî heye û li Grê Spî hejmara ereban li gor bajarên din ên Rojava zêdetir e Kobanê dîrî vê planê maye. Sîdo wiha dom kir: "Kembera Ereb wek helwesteke gelemper di sala 1966'an de despê kir, lê belê wek raman, ev daxwazî ji mêj ve hebû. Ji sala 1946'an, ji roja avabûna dewleta Suriyeyê ve hebû. Ev raman, wek projeyeke nivîskî, di sala 1962'an de ji aliyê Mihemmed Tayîp Hîlal ve hat nivîsandin" Sîdo da zanîn ku armanca vê projeyê guhertina demografîk û avakirina xetê ereb a di navbera Bakur û Rojava de bû.

Kurd sirgûnî çolistanan ereb û Şam û Helebê bûn

Di hin çavkaniyên lêkolînî de tê angaştin ku heta salên 1920'an, li Rojhilatê Kurdistanê bi taybetî li Efrîn û Kobanê ereb pir kêman in. Li herêma Cizîrê hin malbatên ji hozên ereb hebûn, lê belê ev malbat ji koçber bûn û di hin demên salê de dihatin herêmê û piştî demekê vedigeriyan. Piştî pêkanîna plana Kembera Ereb ku di dema Serokkomar Nûreddîn Atasî de wek sistematîk kete meriyetê, mafê hemwelatîyîyê ji van kurdên li ser vê xetê hate stendin, ber bi çolistanên ereb,


Şam û Helebê ve hatin sirgûnkirin û ereb li şûnwarên van kurdan hatin bicihkirin. Di destpêka salên 60'an de li herêma Hesekê 10 gundên ereb hatine avakirin, di salên 70'yan de jî, li ser xeta sînorê Bakur, ji Dêrik heta Serê Kaniyê, di kembera ku dirêjahiya wê 270 kîlometre û frehiya wê 15-20 kîlometre ye, li şûna kurdên ku hatine sirgûnkirin 40 gund ji bo ereban hatine dabînkirin û erd û zeviyên kurdan li van ereban hatine belavkirin. Dr. Kemal Sîdo sedemên pêkanînan vê serdemê wiha vegot:

"Di sala 1962'an de hîna Baasî nebûbûn desthilat, lê ev plan hebû. Wê demê Hikûmeta Înfisalê ya ku yekîtiya ereb a di navbera Suriye û Misirê de hilweşandibû desthilat bû. Ji ber yekîtiyê hilweşandibû, ji alî nijadperestên ereb ve bi dijayetiya 'Pan-erebîzîmê' dihatin sîncdarkirin. Înfisalê jî ji bo ku Pan-erebîstan razî bike, dest bi nîqaşa vê planê kir. Dûre, di 1974'an de, di dema Hafîz Asad de, piştî ku qonaxa avakirina Bendava Feratê destpê kir, ev plan jî nû ve dom kir. Esad, elewî bû û erebên sunnî dixwestin ku erebekî sunnî bibe serok. Yek ji armancên jinûve pêkanîna vê planê jî, bi ser kurdan ve razîkirina erebên sunnî bû. Di vê demê de Tevgera Azadîxwaz a kurdên Başûrê Kurdistanê jî di bin serokatiya Mistefa Barzanî de xurt dibû û Baas'yan dixwestin ku erebên jî vê yekê aciz dibin ji razî bikin" Sîdo bi bîr xist ku dewleta Sûriyeyê di van pêkhatayan de ne bi tenê bûye û dewleta Tirkiyeyê û dostên Sûriyeyê jî piştgirî dane vê planê.

'Divê kurd alîkariya Rojava bikin'

Kemal Sîdo, di derbarê mercên şer ên îroyîn de jî anî ziman ku ew nîzane gelo wê di sîberojê de siyaseta PYD'ê ya niha ku doza dewleteke serbixwe nake biguhere yan na û got: "Lê em dizanin ku PYD niha dixwaze rêveberiyên Kantonî yê ku kurd beşa herî mezin a desthilatê ne bimeşîne. Ji ber ku wê ev şer bi deh salan dom bike, ji bo mayîndebûna van rêveberîyan, teqez divê kurd bi her awayî alîkariya Rojava bikin û ji bo kantona Efrînê jî bigihîje Kobanê bi hevkarî siyaseta û şer bimeşînin. Barekî pir giran li ser milê Kurdan e. Ambargoya dewleta tirk, êrişên DAİŞ'ê, rikberiya Suriyeyê hemû jî bo kurdan asteng in. Hin aliyên kurd jî bi zanebûn an ji nezani beşdarî van êrişan dibin. Wisa nabe, divê hemû kurd alîkariyê gelê Efrîn, Kobanê û Cizîrê bikin Herweha divê em alîkariya wan bikin ku PYD û ENKS jî nêzîkê hev bibin û tekoşîneke hevpar pêk bînin, lewre tenê hêzek kurd nikare vî barî giran hilgire" Sîdo di dawî de xweşdîtina çapemeniya cihanê ya kurdan wek destkefteke mezin nîrxand û destnîşan kir ku ji bo serkeftinê xala herî grîng yekîtiya neteweyî ya kurd e.





Gora Şêx Seîd hîn jî wenda ye!

Evindar Tekin

Wek tê zanîn 29'ê Hezîranê 90. Salvegera darvekirina Şêx Seîd û 47 rêhevalên wî bû. Lê mixabin ev şerma herî mezin a kurdan ji nîrxên xwe yê pîroz wek heman salê dîsa nehate dîtîn an jî kêma hate dîtîn. Ev rewş pêwîstiya rexnekirina serkeftîdarên siyaseta kurd ên ku dikarin bi çîş û heybet bibin piştevanên komên marjînal û çepên tirk ferz dîke; Lewre ev bîxemî rê li berê vedike ku kurd bibin kaxezê ser destên din. Her çîşas neviyên Şêx komeleyekê damezirandibin û di derbarê gora kalê xwe de doz vekiribin jî, dewleta tirk hê jî gor pêşengên kurd diveşêre û kurd tenê bi dengê ku ew bi xwe jî nabihîzin daxwaza aşkerekirina gora Şêx Seîd aşkere nake û ev wêneyê hanê bîxemiya sincî ya kurdan nîşan dide.

Tenê Komeleya Şêx Seîd heldiweste

Antropolog Eva Domaska dibêje ku; "Ger mirin tunebûya wê dîrok jî tunebûya. Dîrok, ji mirinê destpê dîke û xwe bi mirinê xwedî dîke" Mirov zindiyek e ku dikare miriyên xwe veşêre. Ji ber vê yekê wek kurdî ku peyva 'mirov' û 'mirin'ê jî heman wateyê der bûye, di zimanê latîni û yê ku ji wê zayîne de jî 'mirov', 'mirin' û 'binaxkirin' jî heman wateyê der bûne. Bi veşartinê re xwedîlêderketina miriyan ew pratîk e ku gel, hebûna xwe pê didomînin. Gelê kurd jî hebûna xwe bi miriyên xwe nexşî bînerdê kirî ye û bi xwedîlêderketina gorên wan dîroka xwe şopandiye. Helwesta komara tirk jî berovajiyê ve; Ne tenê li ser erdê, xwestiyê di bin erdê de jî hebûna kurdan tune bike û bi vî awayî pergala xwe ya yekperest bidomîne. Gora Şêx Seîdê Serokê Serhildana 1925'an jî bi heman armancê, tê veşartin. Nevî û peyrevên

wî jî li dijî vê helwestê doza aşkerekirin û radestkirina gora Şêx Seîd û rêhevalên wî dikin. Komeleya Şêx Seîd jî bi daxwaza Şêx Ehmedê kurê Şêx Seîd, ji aliyê neviyên û dilxwazan ve hatiye damezirandin da ku vê dozê, bi awayekî birêkûpêk bikin û cihê gorên wan pêşengên bidin aşkerekirin da ku kurd dikarin miriyên xwe yad bikin û niyazên xwe ragihînin ruhê wan. Yek ji armancê komeleyê jî ew e ku ji bo ragihandina ilm û zanîna Şêx Seîd, fêrgehêkê ava bikin. Neviyê Şêx Seîd, Felat Ozsoy di derbarê dozê aşkerekirina Şêx Seîd û komeleya li ser navê wî de pirsên me bersivand.

'Dewlet cihê gora dizane'

Felat Ozsoy'ê ku di heman demê de Endamê Lijneya Rêveber a Komeleya Şêx Seîd e, da zanîn ku darvekirina Şêx Seîd û rêhevalên wî, ne bi şeweyeke nepenî, bi biryara Dadgeha Îstiklalê hatiye bicihanîn. Ozsoy da zanîn ku 2 vîdeoyên yek jî hêla dewleteke biyanî yek jî jî hêla dewleta tirk ve hatine kişandin hene û şahidên ve rastiyê jî hene. Ozsoy wiha dom kir: "Darvekirina Şêx Seîd û rêhevalên wî jî alî 25 dewletan ve hatiye şopandin. Her wiha Rûkiye Xanima keça Şêx Semsedîne Bûkarkî ku yek ji rehevalên Şêx Seîd ên ku hatine darvekirin e, 5 roj piştî darvekirina wan, gora bavê xwe vekirî ye û bi şeweyekî girseyî meytê bavê xwe biriyê li Gundê Qamişlo yê navçeya Bismilê û li wê derê binax kirî ye. Şahid hene. Dewlet cihê gora dizane û eşkere nake. Ji ber ku derfetên kurdan tune bûye ku daneyên bûyerê bi dest bixin, arşîvên dewletê jî nehatine lêkolîn. Şahid jî jî tirsan newêribûne ku li ser vê yekê biaxivin"

'Veşartina gora politikaya dewletê ye'

Felat Ozsoy diyar kir ku piştî serlêdana ji bo diyarkirina gora Şêx Seîd ku ji alî Diyadîn Firat ve hatibû kirin, rayedarên Wezaretê Navxwe

ragihandine ku di derbarê cihê gora de di dest wan de tu belge tune ne, lê belê serfermandariya leşkerî cihê gorên wan dizane û di arşîvên wê de belge hene. Ozsoy got: "Divê dewlet pêşî rêza miriyên pêşengên wî gelî bigirin. Ev tenê meseleya Şêx Seîd nîne. Gelek kesên din ên wek; Evdîlqadir, Bijîşk Fûad, Beve Tûjo, Xelîl Begê Cibri, Yûsif Ziya Begî ku bi Şêx Seîd re hatine darvekirin jî hene. Her wiha gorên Seyîd Riza û Seîdê Kurdî jî ne diyar in. Ev aşkerekirin politikaya dewletê ye û ev politîka hê jî tê meşandin" Ozsoy, da zanîn ku hin parlamentên AKP'ê hene ku neviyên pêşengên kurd ên ku cihê gorên wan tene veşartin in û yek jî van jî Feqî Hesên Fehmî'yê Çewliqî ye. Ozsoy got: "Dewletê bi darvekirina pêşengên kurd xwestiyê ve peyame bide kurdan ku 'Ez li ser kuştin û veşartina meytên pêşengên we yê ku vîna we temsîl dikin we jî dikujim û vedîşêrim. Lê belê pirsgerêkên wiha bi darê zorê nayêne çareser kirin"

'Em cihê gora dizanin'

Felat Ozsoy balê kêşa ser serlêdanên wan ên ji bo diyarkirina gora Şêx Seîd û da zanîn ku wan di sala 2012'an de, bi ser Walîtiya Amedê ve serî li Wezaretê Navxweyî dane, lê ji wan re hatiye gotin ku di derbarê cihê gora Şêx Seîd de, di dest me de tu belge, tomar an jî agahiyek tune ye, ji ber vê encamê wan serî li Parlamena Tirkîyeyê dane, lê belê parlamenê jî heman bersivê daye wan. Ozsoy got: "Em daxwaza dîtina cihê gora kalê xwe nakin, lewre em cihê dizanin. Avahiyeke leşkerî heye û eger destûr bê dayîn em dikarin gorê destnîşan bikin. Mirov dikare bi xebateke 10 rojan cihê gora hemûyan diyar bike"

Divê weke qirkirina Dêrsimê, bûyera Şêx Seîdî jî bê pejirandin

Felat Ozsoy di derbarê nêzikahiya dewletê ya ve babetê de jî da zanîn ku di salên 1990'an de wan jî bo vekirina

komeleyekê bi heman armancê serî lê dabû, lê destûr nehatibû dayîn û ji ber ku niha guherînên berbiçav pêk hatine wan karibûye komeleyê damezirînin. Ozsoy wiha dom kir: "AKP'ê, di derbarê qirkirina Dêrsimê de gawekê avêt û serokwezîrê berê Recep Tayyip Erdoğan qirkirina qebûl kir. Lê divê heman helwest jî bo gora Şêx Seîdî jî bê nîşadan. Li Amedê, Çewliq, Elezîz, Mûş û Erziromê, nexasim li hemû herêmên ku serhildan pêk hatiye, malbateke ku kuştî nedane tune ye. Nexwe qala jiyaneke hevpar tê kirin, divê pêşî pirsgerêka rêzgirtina miriyan bê çareser kirin"

Xebatên Arşîvan didome

Neviyê Şêx Seîdî û Serokê Şaxa Amedê ya AKP'ê Muhammed Akar jî pesnê AKP'ê da û angaş ku AKP'ê dawî li bişaftina li ser gelê kurd anî ye û hewlêdana jîholêrakirina mexdûriyeten mexdûrên serdema Îttihad û Terakkî û peyrevên wê heye ku tê de Şêx Seîd, Seyîd Riza, Seîdê Kurdî, Xoce Atifê Îskirîbî û Nazim Hîkmetî jî hene. Her wiha Akar da zanîn ku wî û mafparêzên din ên malbata Şêx Seîdî, di sala 2010'an de serî li Lijneya Lêkolînê ya Parlamenê dane û li gor zanyariyên ku wan bi dest xistine, xebatên arşîvê ku tê de bi hezaran dane hene û divê ziman û tipên wan bînergerandin didome. Akar diyar kir ku daxwaza dawî ya Şêx Ehmedê kurê Şêx Seîd ku beriya çend mehan jiyana xwe ji dest dabû ew bu ku gora bavê xwe bê dîtîn û jî bo xatirê wî li ser gora bavê wî fatihayek bê xwendin. Akar got: "Lê mixabin heta niha ev yek pêk nehatiye. Piştî xebatên arşîvan em hêvî dikin ku cihên gorên Şêx Seîd û 46 rêhevalên wî bêne diyarkirin. Hin vîdeoyên Şêx Seîd û rêhevalên wî jî hene, lê belê ji ber ku baş nehatine parastin ev dîmen hinekî ziyar dîtine. Lê hina dîmen tene pakkirin"

Elî Paksêreşt:

Çêşta edebiyata kurdî



Nivîsîskar, akademisyen û wergêr Elî Paksêreşt ê ji Rojhilatê Kurdistanê li ser nîqaşên serdestbûna soranî û kurmançî de diyar kir ku soran di nêzikbûneke wisa de ne weke ku kurmançî tunebe. Paksêreşt ku li Îranê werger û wêşangeriya bi tîpên latîni bo kurmançî dike da zanîn ku her çend li Rojhilat rê li ber geşedana kurdî hatibe girtin jî ew di nava hewldanan de ne û ew ê destûrê nedin da ku kultur û zimanê kurdî ji holê rabe. Paksêreşt

Mehmed Salih Batırhan

Elî Paksêreşt ligel nivîskarî û wergêriyê gelek sal in tu li Lîjneya Kurdên li Têhranê dera kurmançî didî û we herî dawî li jneyeke wergerê ava kiriye ji kerema xwe tu dikarî behsa wan xebatan bikî?

Niha bi qasî heşt salan e ku qursa me ya kurdiya kurmançiyê bînavber li Lîjneya Kurdên li Têhranê didome û heya niha herî kêr hezar kes hînî xwendin û nivîsîna kurmançî bûne ku di astên cuda cuda bûye lê ya herî girîng ew e ku gelek kes hayîdarbûn ku kurmançî jî xwedana alfabeya xwe ye! Niha jî mixabin gellek kurmançên me, li vir, haya wan jî vêya tune ye û gellek soranên me jî bi bawer in ku kurmançan heya niha qet pirtûk nêvîsîne û hema heya neyî pirtûkên kurdî tenê bi soranî ne! Ez dixwazim bibêjim ku ev klas, anegorî derfeta xwe, bû sebeb ku hinekî ronîti û zelalî li ba hin kesan jî çêbibe. Ev bi xwe desthatek bûye lê desthateka din jî ew e ku li hin bajarên din jî dest bi vebûna qursên kurmançî kirin û ew kesên ku li Têhranê perwerde bûbûn li wir mamostetî kirin.

Hefeteyekê beriya niha jî hin hevalan li Xorasanê bo cara yekem qursa kurmançî vekirine û bo wê jî me piştavaniya xwe ragihand. Hinek hevalên ku qursa ji wan ra bû biyanoyekê, bi xwe hesiyar û bi cidî li ser kurmançî sekinîn û dest bi wergerê kirin û heya niha jî êpencek pirtûk wergerandine. Koma me hin berhemên Helîm Yûsiv, Jan Dost, Îbrahîm Seydo Aydogan, Erebe Şemo, Sîma Semend, Egîte Xudo, Rohat Alakom, Mihemed Uzun û hinên din wergerandine, hin hatine çapkirin hin jî amadeyî çapê ne. Koma me ya wergerê jî ji heman kesan ava bûye ku pîrraniya wan çîrka agirê dilê wan bo nivîsîna kurmançî li vê lijneyê lêket û niha em hêdî hêdî û kalemêr kalemêr karê xwe dikin û mineta xwe ji bayê felekê jî nagirin. Bi qasî 5-6 mehan e koma wergerê ava bûye. Em ê karê xwe berfireh bikin.

Niha em dibînin li Qûmê û Urmîyê weşanxaneyên ku pirtûkên kurmançiya- latîni-çap dikin hene. Ev pirtûkên tîn çapkirin tîn xwendin? Eleqeyê li hember pirtûkan çawa ye?

Li Qûmê weşana Emû Elewî ku bi xwe

partî û nûnerên siyasî yên kurd jî rexne kir û wiha got: “Rastiyeke heye û ew jî ev e beşeka civaka me ya kurdî ya soranî ku bi hêz e jî, qet hez nake ku kurmançî têkeve meydanê, ev yek li dijî kurdbûnê, kurdîbûnê, demokrasîyê, mirovahiyê, exlaq e. Ê Çîma Selahedîn Demîrtaş û gellek berpirsên PKKê bi tirkî dipeyvin? Divê siyasîmedarên kurd bi zimanê xwe bijîn. Li Başûr divê kurmançî wek zimanê fermî bê qebûlkin.”

nivîsîskar û helbestvanekî xurt e ev çend sal in ku bi awayekî cidî li ser weşandina pirtûkên kurmançî bi tîpên latîni disekine û di berbelavbûna xwendina bi latîni da jî roleka baş listiye. Li Urmîyê jî du weşanxaneyên kurd hene ku tenê du yan sê pirtûk çap kirine lê tevî ku me pê re pêwendî girt ku hinekî çalaktir bin lê tu bertekeka erênî nehat dîtin. Li Xorasanê weşana bi navê “Şîlan” jî teze ketiye qada kurmançî û baş bi pêş va diçe. Li bara xwendinê, gerek bibêjim bi giştî di Îranê da xwendin û pêşwaziya jî pirtûkxwendinê baş niye û rayedaran jî bi caran ev yek piştrast kirine lê niha xwendina pirtûkên kurmançî yên bi latîni hem baş e hem jî nebaş e, yanê bendewarî jî vê pîrrtir e lê anegorî pirtûkên din peşirbar e. Bila pirtûk hebin, ew ê zû yan dereng bîn xwendin. Lê tiştê herî girîng ew e ku berbelavbûna xwendin û nivîsîna bi latîni dibe sebeb ku kurmançên me bi yên derveyî Îranê û berhemên wan ra nasyar bin û ev yek pîrr girîng e. Ew hêvî heye ku ev nasyarî ew qasî xurt bibe ku wergera berhemên farişî bi kurmançî û berovajî wê jî xurt bibe.

Tiştêkî din heye ku ez dixwazim behsa wê bikim. Gelo di warê amadekirina ferhengan de jî li Rojhilat kêmasî tune ye?

Ne ku ferheng tunebûne yan jî tunebin. Li Xorasanê çend kesan ferhengên kurmançî-farişî nivîsîne lê ji hêla hejmara peyvyan û rêbaza nivîsînê va pîrr lawaz bûne û çend salan beriya niha me jî, li vir, ferhengeke kurmançî-farişî ya 27000 peyvî amade kir lê eger em bixwazin li gorî pîvanên navnetewî yên ferhengnivîsînê xeber bidin, gerek bê gotin ku mixabin li tu deverên kurd heya niha tu ferhengeka kurdî, çî bi kurmançî, çî bi soranî amade nebûye, yanê zêdetir jî mebesta min ferhengeka kurmançî-kurmançî ya tîkûz e ku nebûna wê bi xwe kêmasiyeka mezin e. Niha di înglîzî de Oxford heye, di fransî da Robert û Larousse hene, di farişî de Dêhxoda, Moîn hene, lê tiştêkî wisa di nava me kurdan de tune ye, ev jî karekî wisan niye ku em sa wê li benda dewletê bimînin. Li bara vê yekê ku çîma li ba



cuda ye



me tiştêk tunebûye, meriv dikare qala çend xalan bike. Li vir înkara fermî û qedexeya zimên tunebûye loma jî ji hêla civakî û derûnî ve, ew zext û zora ku mêriv bi awayekî siruştî ber bi tiştê qedexekirî ve dibe, çênebûye. Di derfetên ku sa kurdî bi giştî hatine çekirin, çî fermî çî jî yê dezhêhên kurdî, hemasan soranî wekî sereke hatiye sepandin û kurmançî jî bi navê “kurd, kurdî, zimanê yekgirtî” û tiştên wiha hatiye sernixamtin û yanê meriv dikare bibêje ku kum danîne serê me, loma jî niha di raya giştî ya Îranê da hemahema “kurmançî” peyveke nenas e! Di rewşêke wiha da karên ser kurmançî û tê de jî ferheng hatiye jibîrkirin. Meriv dikare qala kovara Sirweyê, radyoya kurdî ya Têhranê, kanala kurdî ya Saharê, dersên bijare yê zanîngehên Parêzgeha Kurdistanê bike. Zanîngeha Parêzgeha Kurdistanê ferhengeke gelekî mezin, têr û tijî bi pereyê dewletê amade kiriye lê wisan reftar kiriye ku meriv dibêje ka qey kurdî tenê soranî ye. Dizanî, keko em gerek bi “kurdûn, kurdûn, zimanê yekgirtî” û peyvên xweşik ên wiha neyên xapandin. Rastiyeke heye û ew jî ev e beşeka civaka me ya kurdî ya soranî ku bi hêz e jî, qet hez nake kurmançî têkeve meydana, ev yek hem dijî kurdûnê, kurdûnê, demokrasiyê, mirovahiyê, exlaq e, loma jî tevkî em ser kurdûna xwe disekin, em gerek paşgira “kurmançiyê” jî pêvek bikin û neyên xapandin. Eger kurdûn bi wateya jiholêrakirina kurmançî bibe, ez wê kurdûnê qet naxwazim.

Gerek rêz û hurmet hebe, nabe ku hem nekurd min înkara bikin, hem jî kurd. Çima îro li Herêma Kurdistanê kurmançî nakin zimanê fermî? Ma pirraniya kurdan kurmac nîn in? Eger bê kirin, ev yek demokartîk dibe. Ma kurd daxwaza “Kurdistanê mezin” nakin? Bila zimanê piraniyan bibe fermî. Ev karê ku niha kirine hem li dijî demokrasiyê ye, hem jî li dijî îdia û angaştê neteweperestiyê ye.

Li gor ku em dizanin gelek roman û xebatên li ser zimanê nivîskarên kurdên Bakur li ser farisî tîner wergerandin. Gelo xelkê Rojhilat ew berhem bi kurdî xwendine?

Eger pirtûkek li Îranê bê çapkirin an jî bixwaze ji derve re bê Îranê, hinekî dijawriyên wê hene loma jî tenê bi riya PDF’an pirtûkên kurmançî digihîjin destê me, yan jî carcaran dostek, nasek, rêwiyek jî xêra miriyên xwe ji me re çend pirtûkan ji deriyê gumrikê re derbas dibe. Hejmara ew kesên ku bikarin bi kurmançiya latînî wan hem baş bixwînin hem jî baş têbigihên, gellek niye, lê armanca koma me zêdetir ew e ku di gava yekem de, kurmanç, soran û bi taybetî faris bizanin ku kurmançî jî xwedana wêjeyekê ye ku dewlemend e. Hevalekî soran li beşa TV’ya Saharê jî min re got: ‘Dezanî, muşkilî kirmançî çî ye? Muşkil ewe ku kitêbî niye.’ Yanê, ew qasî bêxêberî û bêhaydarî heye ku wisan difirkin ku pirtûkên kurmançî tunin. Ez qala giştî, li vir, dikim ne hin kesên taybet ku renga pir jî agahdar bin. Beriya her tiştî gerek ev rewşê bê şikandin, loma jî gerek em ber bi meyardna çandê va biçin. Hin kes jî dibêjin eger kurmançî girîng bibûya, çima Mesûd Brazanî û rayedarên din ên kurmançî ên Herêma Kurdistanê bi soranî diaxivin?! Çima wekî minak Selahedîn Demûrtas û gellek berpirsên PKK’ê bi tirkî dipeyvin?! Vê yekê wekî belgeya “girîng nebûna kurmançî” didin berpirsên û wekî minak dema radyo û televîzyonê sa kurmançî kêr dikin û ev kar jî hatiye kirin.

Ez dixwazim bêm ser kovara Sirwe ku bi kurmançî û soranî derdixû. Li Bakur kovarên hevde me Sirwê nişkekî xwe diafirandin û rewşenbîr û nivîskarên mezin ji wan kovaran derdixûtin. Gelo ev yek çima di nav kurmançîaxêvên Rojhilat pêk nehat?

Sirwe kovara dewletê bû ji aliyê weşanxaneyê Selahedîne Eyyûbî ve li Êrmiyê derdiket û niha jî ew weşanxane çûye bajarê Sine. Berpirsê wê yê sereke jî Êşfedniyar Rehîm Meşayî, serokê berê yê nivîsgeha Mehmûd Ehmêdînejad, serokkomarê berê yê Îranê bû. Li Sirweyê de çend kurmançan dinivîsî, wekî Perwîz Cîhanî ku nivîskarekî xurt e, Kafî Elewî ku niha ez guman dikim li Hewlêrê be. Min jî çend caran tê de nivîsî lê tenê di dawîya Sirweyê de çend rûpel didan kurmançî û serî carê rûpelek jê kêr dikirin û di dawîya dawî de jî kurmançî jî holê rakirin. Dema radyoya kurmançî ya Têhranê jî kêr kirin, niha

di kanal Sahara Kurdî de jî ji 24 saetan tenê bi qasî saetekê bi kurmançî ye ku bi dubareya wê va dibe du saetan. Gerek bibêjim kovareke bi navê Amanc jî demekê bi kurdiya kurmançî li Îranê derdiket. Min çend hejmarên wê dîtî lê niha tune. Niha, mehnameya Swêda’yê li Xorasanê derdikeve ku hin rûpelên wê bi kurmançî ne.

Çend nivîskarên kurdên Xorasanê dest bi belavkirina pirtûkan kirin. Di van du sê salên dawîn de gelek pirtûk hatin nivîsîn, tesîra van pirtûkan li ser kurmançî Xorasanê çî ye?

Bi rastî jî hêla derûnî ve pir bûye. Yehya Elewîferd, Elî Hêyderî, Îsmâil Hisênîpûr, Elîrizza Sipahî, Hesen Roşan, Ebas Ferhadî, Haşim Ferhadî, Evdîle Goherî, Mecîd Baqîrî... li Xorasanê, Edo Mîlan, Mûsa Qulîkî Mîlan, Evdîle Arxa, Hisên Fellahpûr û Tahir Agûr ji Makûyê, Ezîz Nêmetî, Mihemed Sefayî, Yûsiv Kulûnekezade, Yûsiv Şucayî, Celal Osmanîyan ji Êrmiyê’yê û derdorê her wiha kesên din gavin baş avêtine û ez dikarim bibêjim di warê kurmançî de meriv dikare li benda ‘şoreşeka wêjeyî û çandî’ bibe jî ber ku nîfêşê ciwan bi hez-kirineka gellekî mezin ketiye qada ziman û wêjeyê.

Li Bakurê Kurdistanê li çend zanîngehan beşên kurdî ve bûne û di wan beşan de jî her perçeyên Kurdistanê mamoste hene û li ser edebiyat û zimanê kurdî waneyan dibêjin. Ewê tesîra wê yekê li ser xebatên kurdî çî be?

Ez wê yekê tiştêkî pir girîng dibînim. Meriv dikare ji çend hêlan ve li wê yekê binêre. A yekem ew e ku hatina wan nişan dide giştî li dû armançeka hevbeş in û loma jî tevî ku astengî û pîrsgirîk jî hene, lê dev ji armanca xwe bernadin û ew li her derê be, dişopînin. Armanç jî xizmet sa ziman û wêjeya kurdî ye ku bi salan bêpar maye û hîn hewl tîner dayîn ku ew bêpar bimîne û hetanî gelek jî ji bo nebûna wê, mirina wê arizûyan dikin. Hebûna wê hesta ku wan ji her aliyê dikişîne û cûreyek yekîtiya tevgera zimanî çêdike, karekî hêja ye. A duyem jî ew e ku dibe sebeb danûstandin pir û zêde bin. Di wê çarçoveyê de, dewlemendiya ziman û wêjeya kurdî rastî lêkolînan tê.

Ji ber ku ew kesên ku hatine her yek jî bilî kurdî, rengê zaraveyên cûr bi cûr ên kurdî, her wiha zimanên wekî farisî, erebî û zimanên din bizanin loma jî ev dibe sebeb ku qada lêkolînan hem berfireh bibe hem jî ji rewşa xweçî derkeve û bibe navçeyî û hetanî jî navneteweyî. Ev riya vejîyandina zimanê kurdî û hêlên wê yê cûr bi cûr vedibijêre. A sisêyan, cûreyek amadekarî ye, yanê her kes dizane dema ku tirkan piştî ew qas qedexê û înkare ne tenê nikarin bigihîjin armançên xwe, lê berovajî, em dibînin ku îro riya filitîna xwe ji qeyrana heyî di wê da dibînin ku bi kurdan re bibin yek, loma jî derfetên wiha, her çiqasî jî biçûk, vedikin, ev rewş li ciyên din jî yê bê çekirin, bo rojeka

wisan jî gerek kesên pispor hebin. Ew kes bi hatina xwe pisporiya xwe tîkûz dikin û dema ku pêwîst be dikarin biçin ciyên ku jê hatine û li wir jî beşên kurdî vekin. Yanê gelekê pêwîst e ku kurd di wî warî de xwe bi awayekî akademîk amade bikin. A çarem jî ev e ku wêbûna van beşan û hatina kesan dibe sebeb ku hejmara lêkoîneran ser kurdî zêde bibe. Ev deriyekî teze vedike yanê hem rûyê rastîn û dewlemend ê ziman û wêjeya kurdî dide nasandin ji ber ku berê pirtir ev yek bi riya kesên biyanî dihat kirin ku ji armançên siyasî, gellek caran, dûr nebû, lê eger kurd wê yekê bikin, wê demê bi dilsozî û ji can û dil dikin. A pêncem jî ew e ku deriyê wergera kurdî û zimanên ku ev kesên pispor dizanin vedibe û bi engîze û motîvasiyoneka xurttir hem li dû wê yekê diçin hem jî xwendekaran didin ku di wê qadê de çalakbin. Bi giştî, meriv dikare bibêje dema ku hem mamoste kurd e, hem kar û xebata wan kurdî ye, çêşta wê cuda ye. Gerek karin ew qasî hêja bînin kirin ku ne tenê kurd û cîranên wan, lê belê hemî xwendekar û wêjehezên dinyayê ji çêşta wêjeya kurdî bi taybet wêjeya devkî ya kurmançiyê bêpar nemînin.

Li Amedê hewldanên vekirina zanîngeheka bi navê Kurdistanê hene. Her wiha amaje bi wê yekê tê kirin ku ewê zimanê zanîngehê yê fermî kurdiya kurmançî be. Tesîra wê pêngavê ew ê li ser kurdî çî be?

Divê bibêjim ku tenê bi vekirina zanîngehekê ew hêjabûna zimanê kurdî nayê dîtî. Çima îro kurdî li hemî Tirkîyê’yê nebe fermî? Ma nabêjin em “birayên” hevdu ne? Baş e, me heya niha hem zimanê xwe parsatiye, hem jî zimanê “birayên” xwe hîn bûne, bila ew jî hema eger demekê jî be, heman karî bikin ku me kiriye. Vekirina zanîngeheka wiha bêguman karekî hêja ye, lê têrê nake.

Elî Paksêreşt kî ye?

Elî Paksêreşt ji bajarê Mako’ya Rojhilatê Kurdistanê ye. Dibistana sere-tayî û navîn li Mako’yê û li Êrmiyê kuta kiriye. Di sala 1996’an de li Zanîngeha Tewrezê di beşa Ziman û Edebiyata Fransî de dest bi xwendina lîsansê kir. Piştî kutakirina lîsansê Paksêreşt li Zanîngehê Teheranê di beşa zimanên îranî de dest bi xwendina mastera bilind û doktorayê kir û di heman demê de li Zanîngehê weke mamosteyê fransî dest bi kar kir. Her wiha Paksêreşt ji sala 2007’an heta niha li navenda Lijneya Kurdên Teheranê dersên kurdî dide û li kanala Saharê di beşa kurdî û fransî de de weke pêşkêşvan kar dike. Paksêreşt li ser ziman û edebiyata kurdî jî gelek kar kiriye û çend pirtûkên ku wî wergerandine ser kurmançî ev in; Ferhengeka Kurmançî-Farisî, Ferhenga Wênekiya Înglîsî-Fransî, Rêzimana Kurmançî Joyce Blau- Veysî Barak, Masî Reş ê Biçûk, Şefekek û Hezar Şeftel...



Welat Baz

Bajarê Saqiz li qûntara rêzeçiyayên Zagrosê devereke xwedî avhewayeke xweş û dîrokekî kevin e. Bajêr li ser du girên bilind û li keviya Rûbara Welixanê hatiye damezirandin. Firehiya xaka bajarê Saqizê 4991 kîlometre çargoşe ye. Bajêr Saqiz di nav hêlilarên bakûr yê 36 û 23'an û di nav hêlîpanên 46 û 28'an yê başûr de cih digire. Saqiz ji deryayê 1474 metre bilind e. Ji ber ku Saqiz devereke bilind e. Di mehên zivistanê de gelek sar e û di havînan de jî bi roj germ û bi şev hênîk e.

Derûdora xaka Saqizê bi çiyayên bilind hatiye dorpeçkirin. Çiyayên Wenewşe, Rûşdijga, Almêlû, Qareman, Taweqran, Mela Mihemed, Kiletû, Hacîtawe, Nekeroz, Garreş, Şimşêrzêrîn, Melqerenî, Yadgar, Mêrgenexişîne, Bextyar û Ajwan, bi qasî 2700 metre bilind in.

Erdnigara bajêr jî aliyê gelek çeman ve jî tê avdan. Di nav xaka bajêr de jî çemekî mezin bi navê Rubarê Welixan derbas dibe û bajarî dike du beş. Çemê Welîbeg ciwaniyeke taybet dide dîmenê Saqizê. Li ser çem, pireke mezin hatiye avakirin û li kêleka çem jî avbendek heye.

Demoxrafya ya Saqizê

Gelheya bajarê Saqizê bi giştî 300 hezar e. Ji sedî 49'ên wan li gundan, ji sedî 51'yên wan jî li bajarên rûdinên. Şêniya bajêr hemû kurd in. Kurdên Saqizê bi giştî Misilman û ji

mezheba Şafî ne. Di demên kevin de li bajêr gelek malbatên Cihû jî hebûne. Piştî damezirandina dewleta Îsrailê, Cihûyên bajêr koçî welatê xwe yê nû kirine.

Saqizî, bi zarava soranî û bi devokên Babanî, Erdelanî û Kelhurî diaxifin. Li bajêr çend binemalên navdar dijîn. Malbata Ciwanmerdî li Gewrikê, Sultanpena li Serşiwê, Sultanî li Mele û Mîto'yê, Wekîlî li Gewrik û Serşiw'e, Dîwanî li Gewreqela û Sersêfê, Hesenî li Xurxure'yê, Xefarî li Ewrqul'e, Welîbegî li Başmax'e, Hemewesî li Seyfawa û Zamnava'yê, Hebîbî li Tileko'yê dijîn. Her wiha binemalên Feyzulabegî, Kelhurî, Şêxuslamî, Esedî, Şerîfî, Mezherî û Emînî jî li bajêr belav bûne.

Rêvebirî

Bajarê Saqizê jî taxên Serpeçe, Navqela, Kazimxan, Heyazbeg, Serqewran, Berdiberan, Kanîgermaw, Kanişqan, Hemalawa, Qereçîawa, Cûtyaran, Silo, Şafî, Kerîmawa, Şanaz, Bilwar, Qesawxane, Şiwîrewe, Şiwîmelek, Qewx û Hezreti Emer'e belav bûye.

Navçeyên bajêr ên bi navên Miredê, Turcan, Tileko, Xurxure, Serşiw, Merxuz, Zêwiye û Kultepe'yê hene.

Li bakûrê bajêr Bokan, Mahabad û Meyandûaw, li başûrê Merîwan, Sîne û Qurwe. li rojavayê Bane, Ranya, Dûkan û li rojhilatê jî Dîwandere, Bicar û Tikab cîranên Saqiz in.

Xaka Rojhilata Kurdistanê jî aliyê rêvebirîya Îranê ve wek penc ostan ango eyaletan hatiye veqetandin. Ji bilî eyaleta bi navê

Kurdistanê bajar û heremên din yê Kurdistanê ên bi navên Kirmanşa, Îlam û Loristan jî hev hatine xistin. Beşek jî xaka Kurdistanê jî bi Ostana Azerbaycana Rojava va hatiye girêdan. Bajêrê Saqizê, tevî navçeyên xwe di nav sinorên Eyaleta Kurdistanê de cih digire. Li Ostana Kurdistanê jî bilî Saqizê, bajarên wek Sîne ku peytexta eyaletê ye, Merîwan, Qîrwe, Dîwandere, Biçar, Kamyaran û Banê jî hene. Saqiz bi mezinahiya xwe duyemîn bajarê Ostana Kurdistanê ye.

Bajarê Saqayan

Navê Saqizê jî netewa Sakayan maye. Bajar di salên 700'î ên berî zayînê de jî aliyê hêzên Sakayan ve 28 sal hatiye dagirkirin û wek peytext hatiye bikaranîn. Ji ber ku navenda Sakayan bûye, bajêr jî bi vî awayî hatiye binavkirin û di pêvajoya dîroki de wek Sike, Seka, Eskût, Saken, Saqiz, Seqîz hatiye binavkirin. Bajêr di serdema Medan de jî bi navê Îzîrta an jî Eskût hatiye binavkirin.

Diroka bajarê Saqizê digîje 7000 sal berî zayînê. Saqiz yek ji kevintirîn şûnewarê Kurdistanê û peytexta yekem ya Medan bûye. Di salên 700'î berî zayînê jî aliyê Sakayan ve hatiye dagirkirin. Sakayan navê xwe li bajêr kiriye. Mîrê Medî Xoxîştir Saqiz jî Sakayan girtiye.


Saqiz berî Medan paytexta Manayan jî bûye. Peytext û şûnewarên kevin yê serdemê li rojhilatê bajêr bi navê Koşkelh ku wek girekî ye, li ser rêya Dîwandere hin jî maye. Saqiz jî kevin ve wek keleke gewre bûye. Li Saqiz û herema dewrûberê, Medan

gelek kelan dirust kirine. Piştî ku bajêr di êrişa Sargonê Asûrî de hat rûxandin Medan li Hegmetanê paytexteke nû damezrand.

Di dema Eşkanî û Sasaniyan de bajarê Saqizê ku nêzî Paristgeha Şîzê bû, girîngiya xwe ragirt. Di serdema Împaratoriye de Mîrên Sasanî serdana perestgeha Şîzê ya Textê Silêman dikirin, Hingê ola fermî Behî bû.

Piştî sependina Îslamê, Baba Ardelanê Mîrnîşînê Erdelanê, Şarezûr û Sîne damezrand. Saqiz jî di nav mîrnîşîniyê de bû. Ji sala 620'ên Hîcrî heta sala 1953'an mîrên Erdelanê herem li jêr bi dest xist.

Di dema şerê cihane yê yekem de Osmanîyan ku êrişê



Saqiz û heremê kirin, Seyfedîn Xanê Erdelan, Heme Xanî Banê û Heme Husên Xanê Mukrî li sêdarê dan. Saqiz heta dawîya şerê cihanê yê yekem, ket destên Rûs, Osmanî û Îngilîzan. Di sala 1919'an de Şerîf Dewle ji aliyê Îngilîzan ve wek desthilatê Kurdistanê hat pişandin.

Piştî desthilatiya Riza Şahî heta sala 1946'an li heremê Hacî Serdar Mukeremî Erdelan hukmê Saqiz kir. Demekî Hemê Reşî Xanî Saqiz dagir kir û Hemê Emin Xan wek hakim diyar kir.

Aloziya heremê di dema Komara Kurdistanê ya sala 1946'an jî dom kir. Saqiz ku li sînore Kurdistanê û li jêrdestê rejîmê bû, bûbû navenda sîxurî û pîlangeriya li dijî komarê. Her wiha bajariyan û bi taybetî bine-malên Erdelan û Feyzûlabegîyan û xortên Saqizî bi awayekî çalak beşdarî karê komarê bûn. Ji Saqizê Brahîmê Selah fermandarê hêzên ewlekariya Mahabadê û Mahmûdî Pakizad jî defterdarê serokkomar bû.

Piştî rûxana komarê li Saqizê; Ehmed Xan û Evdila Xanê Farûqî, Heme Xanê Danîşwer, Elîxan û Resûl Axayê Civanmerdî, Şex Sidîq û Şex Emînê Esedî, Elîxan û Hesen Xanê Feyzûlabegî, Ehmed Xanê Secayî û Elîbegê Şîrzad ji ber alîkariya karên komarê ji aliyê dadgehên Şah ve hatin dardakirin.

Di dema raperîna sala 1979'an ya li dijî pergala Riza Xan de di xwepişandanên Saqizê de hezên rejîmê li bajêr çend kurd kuştin. Piştî destpêka şerê Iraqê jî firokeyên Sadam, bajarê Saqizê çandin car bombebaran kirin.

Parka Mewlewî

Parka Mewlewî yek ji ciwantiyên seyrangeha vî bajarî ye ku bi gul û darên ciwan xemilandiye. Ev park di mehên bihar û havînê de rojên in û betlaneyê mêvandariya bajariyan dike. Parka Mewlewî ji parkekî zêdetir dişibe daristanekî biçûk. Park gelek fireh e. Di nav de bi sedan cûreyên dar, gul û kulîlkan hatine çandin. Park bi awayekî modern û paqij hatîye avakirin. Di nav parkê de cihê listika zarokan, hopik, şadirwan, cihên rûniştinê û gelek peyker hene.

Li navîna parkê peykereke Mewlewî jî hatîye çikandin. Mewlewiyê kurd tasawûfkarekî navdar e. Li gor tê gotin, ew şagirt an jî şopdarekî Mewlana bûye. Mewlewiyê derwêş wek sembola bajarê Saqiz e. Ev peyker jî aliyê peykersazê Saqizî Enwerî Kerîmî ve hatîye çêkirin.

Ji bilî parka Mewlewî her wiha parkên Lale û Kewser jî du sey-



rangehên din in ku vî bajarî dixemilînin.

Girê Zewiyê

Xaka bajarê Saqizê serûpê bi berhemên dirokî xemilandiye. Bêguman Girê Zewiyê serberhema heremê ye. Hebûna Zewiyê di sala 1947'an de ji aliyê şivaneke ve hat keşîfkirin. Mîratê vê peytexta Med ji aliyê rayedarên Îranî ve hat talankirin.

Beşek ji bermahiyên Zewiyê a bi navê Mêjûyê Şexshezar Salên Îranê, li muzexaneyên Newyork, Filadelfiya, Parîs û London hat nîşandan jî ev xezîne careke din negeriya bo Saqiz û Kurdistan.

Li derdora Saqizê çandin kel û şwênî kevin yê din jî hene ku yek ji wan jî Şikefta Kereftû ye û ev şikeft tevî Zewiyê di nav 7 kişwerên Avêsta de hatîye naskirin.

Ji bilî van berheman Qepilanîtû, Gortepe, Tileko, Sahêw, Kerîmawa, Qelakevn, Alkelu, Doleqela, Mahîder, Baynder, Mezre, Xurdelûkî hene.

Mizgefta Cot Minare

Mizgefta Cot Minare yek ji eserên dirokî yê bajarê Saqiz e. Mizgeft di dema Afşar û Zendiyan de hatîye avakirin. Banî û stûnên mizgeftê jî darê hatine çêkirin. Herdu minareyên mizgeftê ku bi porselen hatine xemilandin gelek ciwan in. Mizgeft û minare li ser girekî hatine avakirin.

Mizgeftî Camêa jî yek ji berhemên sereke yê bajêr e. Mizgeft berhemekî serdema Nasredîn Şahê Qaçar e û bi destê Mecîd Xanê Serdar hatîye avakirin. Di sala 1981'an de jî kismekî mizgeftê ji aliyê Komara Îslamî ve hatîbe xerakirin jî, xelkê Saqizê bi hewl û koşî xwe disa mizgeftê dirust kiriye.

Li Bajârê Saqizê gelek tekya, xaneqa û mizgeft hene ku xwedî mîjûyekî kevin in. Wek minak: Tekya Babaşêx, Pîrî Xezayî, Pîrî Mikail, Pîr Yûnis, Pîr Şelalî û Pîr Mihemed, li nav Saqiz û derveyî bajêr çend gor û aramgehên navdar yê pîrên Hewramanî jî hene ku temenê wan digîje berî Îslamê.

Bajarê peyker û hunerdost

Li Saqizê peykersazî gelek pêş ketiye. Li hemû cadde û parkên mezin peykerên ciwan hatine danîn. Peykerên bajêr bi giştî ji aliyê hunermendên wek Evdila Biraderî, Luqmanî Kerîmî û Enwerê Kerîmî ve hatine çêkirin.

Ji sekoya Şikefta Kereftû diyar e ku li Saqizê şano xwedî dirokeke kevin e. Di dema nûjen de di sala 1940'an de Mahmud Serayî, Xelîl Wetenxa, Hoşengî Suhrabî, Xelîl Enwerî li Saqizê koma yekem a şanoyê damezrandine.

Di sala 1949'an de li bajêr Şanoya Medya dest bi xebatê kir. Îro jî li bajêr komeke şanoyê heye û ew li bajêr û derdorê xebatên şanoyê didomînin. Li aliyê din hunermendên

ku li sînemaya Îranê navdar in ên wekî Feramerzî Sidîqî, Nerîman, Sureya Beheştî û Şadîrewan Mensûrî Erdelan jî ji Saqizê ne.

Saqiz, li Kurdistanê yek ji cihên ku herî zêde helbestvan, nûser û rewşenbîrî tê hezkirin e. Çend ji helbestvan û nûserên Saqizê ev in: Selîm Xanî Feyzûlabegî, Şex Celadînê Neqşibendî, Mele Feyzulayê Şafî, Rehîmê Luqmanî, Evdila Feqêhî, Perwîz Şafêî, Mela Qadirê Seîdî, Hûseynî Newazî, Muzafer Babamîrî, Bêhruzê Şexulîslamî, Enwerî Sultanpena, Selahedînî Menûçerî, Mela Xefîrê Debaghî, Mela Ewlay Nîmetzade û Mela Evdila Fedayî.

Helbestvanên Saqizî berî demekî li bajêr bi navê Encûmenî Mewlewî Kurd, komeke helbestvanan damezrandine.

Hejanê Babamîrî behsa xebatên edebiyatê li bajarê xwe dike.

Helbestvan Hejanê Babamîrî, li bajêr ji bo karên çandî, ferhengî tevî gelek xebatên ku niha jî didomin bûye û behsa wan çalakiyên rewşenbîrên Saqizê dike.

Helbestvan Babamîrî çend rêz jî helbesta xwe ya bi navê Secere kî diyarê me dike.

Piştî ku li heremê bandora kevneperestên oldar belav bû, mûsikî jî li heremê bi paş ket. Bêdengiya saz û dengên xweş jî heremê heta salên 1940'an berdewam kir.

Kalekî Saqizî li bin daristanên Parka Mewlewî wek ku bi qedexeyên demên berê re berberiyê bike, bilûra ku ji berîka xwe derdixê û hêstên dilên xwe wek melodî dinexşîne.

Niha li bajêr Perwîz û Nasrî Axewan, Fatêhî Heyderî, Reza Yaqubî, Mahmud Kirimî, Reza Mirzayî, Huşeng Mesud, Behzadî Peyamî, Ebas Tuhîdî, Evdila Mecîdî û Osmanê Sûr, wek hunermendên diyar yê Saqizê nasrawin. Ji hunermendên ciwan yê Saqizê Elay Nebatî besteyeke xwe diyarî me dike.

Li bajêr Koma Nîştîman, Koma Şeyda û Koma Lawje hîn jî bi karê muzîkvanîyê ve mijûl in. Ji muzîkjenên Saqizê Elî Tahîrî behsa muzîka Saqizê dike.

Niha li bajêr dibistaneke muzîkê jî heye û li vir, mamosteyên muzîkê ders didin zarokan. Ji mamosteyên dibistana muzîkê Elî Tahîrî li ser xebatên dibistana xwe wiha diaxîfe.

Elî Tahîrî ku hostayê tarlêdanê ye, bi tara xwe ji me re besteyeke xwe lêdide.

Bajarek gelêrî

Saqiz ku êdî wek metropolekî biçûk e, bi kolanên fireh û avahiyan modern xemilandiye. Saqiz li taxên ku lê belav dibe bi qad û bajarvanîyê modern tê avakirin. Hin tax û deverên nû, ji bajarên kevin gelek cuda ne û mirov dibêje qey du bajar li kêleka hevdu bicih bûne.

Kolanên fireh yê Saqizê kuçeyên teng vedişêrin. Li deverên ku qelebalix hene,

firoşkar jî li wir bicih dibin. Hemû kuçê û kolanên bajêr wek bazara danûstandinê ne. Li bazara Saqizê wek karên destî, kincedurîtin, lihêfdurîtin, kilaşçêkirin, hesingerî, dartashî û xeratî tînin kirin.

Li Rojhilata Kurdistanê kincên ji ber bayixdayîna kincên kurdî li hemû bajêran gelek terzî yane xiyat hene. Li sîka Saqizê di dikanên xiyatan de modelên kincên kurdî, yen wek Kewa, Patolî, Hewramî, Sade, Melîkî an jî Muradxanî tînin dirûtin. Gelê bajêr zêdetir berê xwe didin wan modelan. Li bajarê Saqizê jî piraniya xelkê kincên gelerî li xwe dikin û pîr şanazî jî girêdana kurdî re dikin.

Kolanên Saqizê bi kesên ku cil û bergên klasîk yê kurdî li xwe dikin tijî ne. Cil û bergên Saqizîyan jî zêdetir şal û şapik in. Ji ber vê yekê dirûtina kincên kurdî, li sîka bajêr yek ji karên sereke ye. Helbet li bajarên ku şal û şapik tînin lixwekirin, kilaş jî pêlavên sereke ne. Ji ber vê yekê gelek însan li bazar bi karê kilaşçêkirinê re debara xwe dikin.

Li sîka Saqizê jî yek ji karê sereke kilaşî ye. Li hin heremên din yê Kurdistanê kilaşê wek Yemenî tê binavkirin. Li Saqizê bi-karanîna kilaşê gelekî zêde ye. Ji ber ku kilaş perçeyek ji kincên kurdî ye, li bajêr gelek hostayên kilaşçêkirinê hene.

Sûka pişeyên cudareng

Hostayekî din li sîka Saqizê, necarê bajêr e. Necarê Saqizê jî derî û paceyan heta dergûş û qefesan hemû tiştên ji darîn dinexşîne.

Eyaleta Kurdistanê bi hesin û hesingeriya xwe navdar e. Ji mîj ve şûr û mertalên ku li heremê dihatin çêkirin nav da bûn. Ji ber vê yekê hesingerî hin jî li Saqiz û derdorê wek pişeyekî gerdîşî tê kirin. Li bazara Saqizê hin jî hesingerên ku bi awayên kevnare dixebitin mane. Li kêleka hesinger dikana tenekeçêkerê bajêr cih digire. Hostayê tenekê, zêdetir sobe û lazimatîyên zivistanê çêdike.

Ji bo şevên zivistanê yê sar germ bikin, Saqizî zêdetir di sobeyan de êzîngan bikar tînin. Ji ber vê yekê sobeyên kevin yê ku ji tenekê tînin çêkirin hin jî li sîkê jî tiştên balkêş in. Tû û gulberojên Saqizê jî pîr bi nawbang e ku li hemû bazara Kurdistan û Îranê belav dibe. Li bajêr jî bo çêkirina dendikên gulên, çend atolye hatine vekirin. Dendikên ku li van atolyeyan tê çêkirin, li bazara Îran û Kurdistanê tînin firotan.

Li sîka bajêr dimeneke balkêş jî li-hêfçêkerî ye. Li Saqizê hin jî gelek malbat di nav lihêfên ku bi destan tînin çêkirin de radizên. Ev adet bi taybetî di nav kesên ku nû dizewicin de didome. Lihevçêkerê sîka Saqizê jî hunerê li ber deriyên dikanan xwe bi awayekî eşkere dike û bal dikşîne ser berhemên xwe.

Roşan Lezgîn:

Gereka ma sîyasetên wayîrê

Kesê bixeyret û fedakarê ke mi heyatê xo de heta nika nas kerdê, înan ra yew birêz Roşan Lezgîn o. Seba kirmancî "nêbo nêbeno"yan ra yew o yo. Roşan Lezgîn seba mi û seba zaf kesî yew mekteb bî. Bi xeyret û keda ey zaf kesan dest bi nuştîşê kirmancî kerd. Bi kilmîye, o kedkaranê tewr muhîman yê zîwanê ma ra yew o. Mi no hewte birêz Roşan Lezgînî de xebatanê ey ser o qisey kerd.



Nadire Güntaş
Aldatmaz

Birêz Roşan, nameyê to bi nameyê zîwanê ma ra pîya yenê vîra merdimî. Yanî Roşan Lezgîn ke vajîya kirmancî, kirmancî ke vajîya Roşan Lezgîn yeno vîra merdimî. Şîma her di nameyî biyê yew. Çimê wendoxan de nîya yo. Ancî zî ti şîkîna tenê qalê xo bikerê.

Eke ez bi nê tarîfî şinasîyena, seba mi şeref o, şanazî ya. La ti naye bizane ke no çî bi bedelêko zaf zaf giran ameyo meydan. Bi vatîş ifade nêbeno...

Doza neteweyî de xeyret û xebata şexsî her wext zaf muhîm û bitesîr biya. Eke merdimî yew xebate de xo sey merdimê doz û dewa hesabna, yanî seke tirkî vanê xo sey "dava adamî" hesabna, enerjîyêko bêsinor merdimî de zuhûr

keno. Enerjî zî xo reyde tim sînerjî ano. Meselaya neteweyî ya kurdan, û naye ra girêdaye, nasnameyê neteweyî; her çiyê ke milîyetê ma anê meydan, ma vajin ke "ziwan", seba ma doza tewr sereke û eslî ya. Meselaya neteweyî de, gereka ferdê netewe tim wayîrê fikr û hedefêk bê. Nê hetî ra ez tim wayîrê yew fikrî biya, tim hedefê mi estbi. Fikrê mi, hedefê mi, xurtkerdişê nasnameyê neteweyî û milîyetê ma yo. Ez hêz û enerjîyê xo yê xebate hîsan û xeyretê xo yê milî ra gêna. Hetê xebata şexsî ra zî, ez performas ra, serebutanê serkewtene ra zaf hes kena. Mi rê hîkayeyê serkewtişî rindek û cazîb ê. Helbet serkewtiş hende asan nîyo; ci rê konsantrasyon û fedakarîyêka zaf cidî lazîm a. Gereka merdim zaf bicidîyet xo konsantreyê hedefê xo bikero û esla xo fedakarîye ra apey nêdo. Yanî seke tirkî de vanê "yapıyormuş, ediyormuş gibi" nêbeno! Gereka ma heqîqeten bixebitîn. Û gereka ma rast bixebitîn; bingeşkê rastî ser o xebatêka raste û cidîye tesîrê xo zî wina rast û cidî beno.

Ti hikayenuştux û şairî, ti roj-nameger î, kovare vejenê û wayîrê weşanxaneyî yî. Edîtorîya kitaban kenî û hîna zaf çiyê sey nînan. Verê cû to çitûr dest bi nê karan kerd û ti çitûr resena hende karî. Ti şîkîna yew roja xo ma rê qisey bikerê?

Mi gore şairîye û hikayenuştuxîye eynî çî yê; yanî edebîyat o. Vetişê rojname û kovare, ancî edîtorîye û weşanayîşê kitaban zî eynî çarçewa de yê. Nê heme xebatî zîwanî ser o yê. Hetanî nika 76 hûmarî Newepel, 14 hûmarî kovara Şewçîla, ancî hîris kitabî Weşanxaneyê Roşna ra weşanîyayî... Hezar merdimî ra yew belkî çend serran de nêşkeno nê çîyan biwano. La mi nê eserî heme çend rey newe ra nuştê. No ezîyetêko zaf gird o. Nefesê her kesî nê karan rê qîm nêkeno. La nika ke ti mi ra bipersî, ez vana, mi qet çiyêk nêkerdo. Înşalah Homa quwet bido, ez vana, gereka ez hema bikerî.

Ez bi xo yew deqa wextê xo veng ra nêvîyarnena. Wext mi rê zaf qîymetin o. Ez qiseykerdişo tewş û dedîkodî ra hes nêkena, ez goş nêdana merdîmanê

vengan ser ke fekê înan tim xirabîye ser şuxulîyeno. Ez nêşkena xirabîye wegêrî, xo rê bikerî bar. Ez zana ke merdim reyke yeno dinya, emrê merdimî zî bisînor o. Coka ez nêwazena yew sanîyeya xo zî veng ra xerc bikerî. Axir ma mîrenê, benê vîndî şînê. La eserî manenê. Eserê sexteyî ney, êyê ke heqîqeten "eser" ê, tena ê manenê.

Ez vana mabênê kirmancan de ê ke tewr zêde hakimê xebatanê kirmancî yê, ti ê çend kesan ra yew a, coka ez wazena ke pers bikerî, gelo xebatê kirmancî kancîn merhale der ê? Bitaybetî hetê edebîyatî ra halê xebatan senîn o, yan zî nê xebatî senî aver şonê?

Kirmancî de nika yew edebîyat esto. Qasê 70-80 kitabê ma yê edebî estê û roj bi roje zêdiyenê. Edebîyatê ma ra kitabxaneyêko baş ame meydan. No edebîyat nê des-pançês serranê peyênan de virazîya. Hetê kalîte ra helbet problemê xo estê. La edebîyatê ma de nimûneyê başî zî estê. Xebata edebî de, gereka edîbê ma yê neweyî xo hewayê amatorîye ra bixelîsnê. Heto bîn ra, edebîyat zîwan bi xo yo. Edebîyat de qiseykerdişê mesela yan zî şeklê qiseykerdişê mesela helbet muhîm o. La seba ke malzemeyê sereke yê edebîyatî esasê xo de zîwan o, coka edebîyat de zîwan estetîze beno, zîwan dereceyê tewr berz de yeno şuxulnayîş. Yanî ez wazena vajî, kesê ke wazenê şîr, hîkaye û roman binusê, gereka verê verkan zaf zaf baş zîwanî bizanê. Çekuya "edîb"î yena manaya "biedebkerdişê zîwanî". Nê hetî ra, her ke şîno edebîyatê kirmancî beno problemin.

Ma zanenîme ke zaf kesan rojnameyê Newepelî de dest bi nuştîşê kirmancî kerd. Yanî zaf kesî heyatê xo de raya verêne Newepel de nuşt. No durum hîna dewam keno? Yanî hîna nuştuxê neweyî vejînê?

Belê, weşana Newepelî dewam kena û nuştuxê neweyî zî tim peyda benê. Weşanayîşê rojnameyê Newepelî wina tesadufî nêbi. Ma bi zanayîş, bi tefekur dest bi weşanayîşê Newepelî kerd. Newepel, tarîxê kirmancî de projeyêko



zaf muhîm o. Zaf bi cidîyet dewam keno. Ti zî zana, mîyanê ma kurdan de, bi nê şertan, bi nê îmkanan amadekerdiş û dewamkerdişê yew projeyê winasî karê her kesî nîyo. Zehmetîyê ma seke tena çînbîyayîşê îmkananê madî bo, wina aseno la eslê xo de zehmetîyê bînî hîna zaf ê. Mesela, roşînbîranê ma yê se serrî verê cû, şairanê ma yê verênan vatêne "eger kurdî heme wende bê, meselaya kurdîyatî hel bena." La nika ma vînenê ke mîyanê ma kurdan de nêweşîyê xirabîye, mavajîn nêweşîya hesedî (kiskançlık), korranîya îdeolojîke tewr zaf wendeyanê ma de esta. Nê hetî ra zehmetî û astengîyê ma zaf ê. La ma vera heme zehmetîyan de mucadeleyêko zaf tarîxî da. Mesela, ez yew îstatîstîk bidî. 75 hûmaranê Newepelî de 262 kesan



'yew' polîtîkaya ziwani' bin



nušto. Nînan ra qasê 200 kesan reya verêne Newepel de dest bi nuştîş kerdo. Dinya de yew nimûneyo winasî esto, ez nêzana.

Eke ma hetê ziwani ra biewnîn. Mesela, Grûba Xebate ya Vateyi formê çekuyan pêşniyaz kena. Yanî hetê formê çekuyan ra yew standard nana ro. Helbet pêşniyazkerdişê yew formê çekuye sey formo standard muhîm o, la çîyo bingeyên, çîyo eslî şuxulnayîşê ziwani yo. Ma Newepel de kirmanckî zaf zaf rindek û pak şuxulna. Ma eslê ziwani, orîjinalîteya kirmanckî zaf baş, dereceyo tewr berz de pawite. Ma kirmanckî kerde ziwane medya, ziwane disîplînan. Yew ziwano dewij, nika biyo ziwane bajarî, modernîze bi. Hetê şuxulnayîşê ziwani ra Newepel heta bi heta do sey referansî bo.

Serkewtişo tewr muhîm yê Newepelî esas no yo. Û no serkewtiş wina tesadufî nêbi, ma zaf bi zanayîş têwgêrayî.

Ez zana ke şima bi zor û zehmet Newepelî vejenê. Fînanzman de ge-ge tenga şima biya. Nika durum senin o? Hîna problemê finansmanî estê yan kî hîsgêriya şarê ma zêdiya û destek danê?

Hetê madî ra ma tim tengane de yê. Rojname bi mesref vejîyeno. Nika ma hûmara 76. vete, destê ma de yew quruş pereyê rojnameyî çin o. La key ke hûmara 77. amade biye, ez hew vîna ke cayêk ra merdimêk vejîya, hetê ma kerd. Eke nêkerd zî ma xo rê nefeqeyê xo ra danê. No halê ma destpêk ra nat wina yo. Hetê madî ra vetişê Newepelî maneno sey cuya

derwêşanê ke hetê risqî ra tewekul bi Homayê xo kenê. Ma zî eynî wina, tim tewekul bi Homayî kenê. Zaf embazanê delalan yê sey to bi keda xo ya helale ardimê mutewazî kerdo. Heta ke nê embazî bibê û heta ke nefesê ma qîm bikero, ma kirmanckî bê Newepel nêverdanê.

Goreyê to naye ra tepîya kirmanckî se bona? Ziwane dayîke de perwerde nêbo, kirmanckî aver şona yan kî nêşona?

Na saeta ra pey eke kirmanckî mîyan ra wedariyo, guneyê xo sere de milê "sîyasetê kurdan" de, dima zî milê kurdan bi xo de yo. Ma kurdan de, hetê nasnameyê neteweyî ra, hetê hîsanê milî ra seqetîyê cidî estê. Mesela, kam ke tirkî museno, ti

vanî qey hafizaya xo tena yew cigabayt ca yo, kirmanckî ci ra sîl bena şina. No tena kurdanê ma yê Bakurî de wina yo. Mesela, kurdê Rojawanî, kurdê Başûrî, kurdê Rojhelatî zaf rindek erebkî, fariskî heta inglîzki zanê, la ziwane xo zî zaf rindek zanê. Yê ma wina niyo. Kam ke tirkî musa, êdî kirmanckî tey vîndî bena yan zî seqet bena, çewtvir qisey keno.

Helbet perwerdeyê bi kurdki dereceyêko heyatî de muhîm o. Mutleqa gerekê bibo. Eke ma heqîqeten perwerdeyê bi ziwane xo biwazin, beno. No çîyo eslî yê miletêk o. Miletekanca bi ziwane xo perwerde bibo, bi perwerdeyê ziwane sewbîna miletan miletbîyayîş nêmaneno. La dewleta tirkan polîtîkaya xo ya derheqê kurdan de mîsqalêk nêvernaya. Heqo ke bi hawayêko "göstermelik" unîversîteyan de nas kerdo zî, zaf eşkera yo ke ha puynena, pûç kena. Labelê çîyo tewr seqet no yo ke kurdî sîyaseten meselaya waştîş yan tetbîqkerdişê heqanê xo yê neteweyî ra zaf zaf bêhîsiyat ê. Ez eşkena vajî ke, seke sîyasetê kurdan esto, wina aseno la eslê xo de yew sîyasetê kurdîtiye çin o. Yanî yew sîyaseto ke heqê kurdan yê kurdîtiye tesbît bikero û biwazo, ancî nê heqan tetbîq bikero, meydan de çin o. Ez yew sîyasetê winasî nêvîna. A paştîya ma kurdan nê hetî ra kul a. Meselaya ziwani meselaya milî ya, bi projeyê milî anca hel bena. Yew polîtîkaya milî, naye ra girêdaye projeyê milî yê kurdan çin ê.

Seba ciwîyayîşê kirmanckî û seba averşiyayîşê edebiyatê kirmanckî fikrê to çik o, peşniyazê to çik ê?

Verê verkan gerekê ziwane sîyasetê ma kurdki yanî kurmanckî û kirmanckî bo. Dima gerekê ma sîyaseten wayîrê yew "polîtîkaya ziwani" bin. Na polîtîka çî ya? Mesela, sîyaset seni bi nameyê kurdayetî şarî ra ray wazeno, gerekê bi eynî hewes û cidîyet û xeyretî şarî ra biwazo ke bi ziwane xo qisey bikerê, ziwane xo rê wayîrîye bikerê. Sîyaset seni meraqdar o ke şiro meclis, gerekê wina meraqdarê kurdki bo zî. Û şar zî ganî hisiyatê xo yê milî rê wayîr vejîyo. Eke ma wina kerd, karê bîna asan ê. Yanî verê verkan hisiyatê milî, dima tesbîtkerdiş û tetbîqkerdişê polîtîkaya ziwani. No çî qet zî zor niyo, mumkin o. Eke heqîqeten yew sîyasetê kurdan esto, wayîrê îradeyî yo, eşkeno hewteyêk de, aşmêk de fikrê xo zelal bikero. La nêkenê! Coka karê ma zehmet o...

Suryanî ji bo Seyfo têdikoşin

Evîn Batmanî

Di destpêka sedsala çûyî de dewleta Osmanî nekarî pêşî li daxwaza serxwebûnê ya gelên balkanî bigire û piraniya van gelan serxwebûnê xwe ragihandin. Piştî vê encamê Îttihad û Teraqî rêveberiyê xistin destê xwe û di navbera salên 1912 û 1914'an de li herêmên Ege, Trakya û serhedê dest bi qirkirina xirîstiyanan û bi taybetî jî suryaniyan kirin. Ji ber ku qirkirina ermenan a 1915'an hin mezintir bû, hewara suryaniyan di bin siya hawara ermenan de ma. Suryanî îro heldiwestin ku qirkirina li dij wan hatiye kirin têxin rojevê û ji bo vê yekê xwe bi rêxistin dikan.

Suryanî ber xwe didin

Bi suryanîkî peyva 'Seyfo' tê wateya şûr û ji bo qirkirina gelê suryanî tê bikaranîn. Îttihad û Teraqî beriya qirkirina ermeniyên dest bi hewldana tunekirina suryaniyan dike û di encama vê hewldanê de bûy-



erên trajîk û sosret rû didin. Ji ber ku qirkirina ermenan diwartir û gelemperîr bû Seyfo di bin siya wê de ma, lê belê îro gelê suryanî di bin banê dezgehên xwe de dicive û ji bo Seyfo bê zanîn û mal û milkên wan ên ji wan hatibû sitendin radestî wan bê kirin têdikoşe. Bêpîrsê Şaxê Tirkîyeyê yê Yekîtiya Suryaniyên Ewropayê Tuma Çelik'ê ku di heman demê de yek ji damezrînerê HDP'ê ye li ser rewşa suryaniyan a îroyîn pîrsên BasNûçe'yê bersivand. Çelik da zanîn ku niha li Tirkîyeyê nêzikî 25 hezar suryanî hene, 20 hezar ji wan li Stenbolê ne, heta niha ji ber zextên siyasî suryaniyan xwe nêzikî desthilatdaran kirine, lê bi mezinbûna têkoşîna gelê kurd re, suryanî jî şiyar bûne dest bi têkoşîna bidestxistina mafên xwe kirî ye. Çelik, diyar kir ku ji ber vê yekê zextên dewletê yê li ser suryaniyan hin zêdetir bûne û hatiye xwestin ku têkoşîna wan bê terorîze kirin. Tuma Çelik destnîşan kir ku piştî pêvajoya qirkirina suryaniyan hejmara suryaniyan ji 100 hezarî daketiye 25 hezarî û piraniya yê ku mane jî koçî Ewropayê kirine. Çelik diyar kir ku ên mayî tim bi ya dewletê dikirin lê piştî Suryaniyên Ewropayê dest bi daxwazkirina mafên suryaniyan kir û ev hişyarbûn li Sûriyê, Lubnan, Iraq û her derverên Ewropayê belav bû suryaniyên Tirkîyeyê jî ji vê hişyariyê para xwe sitend û di destpêka salên 2000'î dest bi vegera li Tirkîyeyê kirin û deng vedan.

'Suryanî dengê xwe didin HDP'yê'

Tuma Çelik bale kişand ser meydariya siyasî ya suryaniyan û got ku her çiqas ji ber dek û dolabên rêvebirên tirk, bawerî û hêviyên suryaniyan hatibe şikandin jî, siyaseta HDP'ê ya demokratîk ku mafên hemû gel û olên bindest û mazlûman diparêze, hêviyekê daye gelê suryanî jî û piraniya wan xwe nêzikî siyaseta HDP'ê dibînin û li Turabîdîna ku bi piranî suryanî lê dijîn ji sedî 80-90 deng ji HDP'ê re derketine. Çelik da zanîn ku di destpêka salên 2000'an de hikumeta Ecevitî bang li suryaniyan kiriyê û gotiyê ku vegerin welat û xwedî li mal û milkên xwe derkevin, lê di pratîkê de talankirina mal û milkên wan dom kirî ye û di 2008'an de, di dema desthilata AKP'ê de mal û milkên Dêra Mor Gabrielê hatiye talankirin. Çelik got: "Serokwezîr Erdoğan, di dema serokwezîrtiya xwe de, di çarçoveya pakêta demokratîkbûnê de her çiqas soza dayîna mal û milkên suryanan dabe jî, ev



yek bi cih nehatiye"

Pêvajoya Çareseriyê rûbirûbûna raboriyê

Tuma çelik li ser pêwendiya di navbera komisyona lêkolîna heqîqetan ku di çerçoveya pêvajoya çareseriyê de dihat bilêvkirin û çareserkirina pîrsgirêkên suryaniyan de wisa got: "Ajojina pêvajoya çareseriyê tê wateya bi rûbarîhevkirina bûyêrên kambax ên rabirdûyê. Bi min di hîma hemû kiryarên nebaş ên beriya TC'yê û piştî wê de, hişmendîya tekparêz a Îttihad û Terakkîyan heye ku îro jî wek peyrewên wan em di rojhilata navîn de DAİŞ'ê dibînin û ew hişmendî hêj berdewam e. Piştî jenosîda ermeniyên jî nesekîni û di sala 1924-25'an de di Serhilana Şêx Seîd de jî gelek mirov kuştin. Piştî wê jî di qirkirina Dêrsimê de jî. Heman hişmendî gelek caran qirkirin pêk ani. Heke Tirkîyeyê dixwaze bi xwe re li hev aşt bibe divê bi jenosîda 1915'an destpê bike. Ne tenê dewleta tirk divê gelê kurd jî pê re rûbarî hev bibe. Anîha HDP'ê bi êşkera qirkirina ermenî û suryaniyan wek jenosîd dipejirîne û bilêv dike. Lê pejirandin ne bes e, divê pîrsgirêkên wê jî holê bîn rakirin. Belê anîha em dizanin ku tevgera kurd, bi awayekî giştî xwediyê desthilatiyê nîne bes bi herêmi, li ser sazî û dezgehên herêmi wek şaredariyan derfetên desthilatî bi dest xistine û dikare çareser bike. Em hewldana wê dikin."

Doza Dêra Dayîka Meryemê a Qedîm

Weke ku tê zanîn di sala 2012'an de gelê suryanî li ser Dêra Dayîka Meryemê doz vekir û mafê kêmarbûnê bi dest xist. Derbareyê vê encama baş de Tuma Çelik got ku di peymannameya Lozanê de weke hemû gelên gayrî-muslîm, gelê suryanî jî jixwe di nav kêmaran de bû û mafê kêmaran heq dikirin, heta ku piştî Lozanê (1923) heta sala 1928'an dibistanên suryaniyan vekirî dimîne û ji vê yekê diyar e

ku piştî Lozanê suryanî wek gelekî kêmar tê hesibandin û domand: "Di salên 1993-1993'an de me bi têkoşîna li Ewropayê ev yek bi awayekî zelal anîn zimên. Doza 2012'an mafdarbûna me anî holê. Lê dewlet dibêje ku rast e hûn kêmarin, biçin dibistanên xwe vekin. Lê na. Ev têrê nake. Dewletê mal û milkên me talan kiriyê û ji me sitendiye, hem jî hêla aboriyê ve hem jî ji hêla serhejmarê ve hêza me şikestiyê. Em jî wekî welatiyên misilman, bacê didîne, leşkeriyê dikin. Divê dewletê, bo kesekî be jî dibistan ji bo me veke. Dewlet, deyndarî me ye. Divê mal û milkên me ku 90 sal in hatine talankirin bide me. Bi vê dozê jî hêla hiqûqî ve pîrsgirêk çareser bû lê di piratîkê de dom dike. Tiştêk neguheriyê."

Divê suryan jî li ser maseya muzakereyê bin

Tuma Çelik anî ziman ku di salên 1990'an de ji sedî 1'ê suryaniyan dixwestin ku vegerin welat lê piştî salên 2000'an gellek suryan vegeriyane welat lê belê hêzên tarî carinan navên wan didin Hîzbûllah, kontrgerilla û ji ber vê yekê li dij wan bombe teqandine, êrişî wan kirine û xakên wan ji alî dewletê ve hatine desteserkirin. Piştî pîrsgirêkên Dêra Mor Gabrielê ên 2008'an rû dan gellek suryanî waz li vegerê hanîn.

Di derbare pêvajoya çareseriyê pîrsgirêkên suryaniyan de jî Tuma Çelik got "Di nav daxwazên kurdan de tenê daxwaza mafê kurdan tune, her wiha daxwazên hemû kêmeteweyê û pêkhatiyên olî hene. Ocalan dibêje; 'Hebûna jinan ferz e û divê li ser maseya muzakereyê suryanî jî hebin' Beyî çareserkirina pîrsgirêkên suryaniyan, li Tirkîye û Rojhilata Navîn çareserî ne pêkan e. Suryanî ne tenê li Tirkîyeyê, li Sûriyê, Lubnan, Iraq, Îran û Ewropayê jî dijîn û hemû dezgehên wan di bin banê Lijneya Neteweyî ya Mezopotamya ya Bethnahrin de bi hev re xebatan dimeşînin"



**Mehmet
Gültekin**

Kurdan di dîroka rojhilat de li hember zilm û bindestiyê tu carî stûyê xwe netewandin, li ber xwe dan û heta roja me hebûna xwe weke miletekî xweser parastin. Sedema ku ew di welatê xwe de nebûbûn desthilatdar ne ji kêmasiya welatparêzî, xîret û zîrekîtiyê bû, di rastiyê de ew bi van taybetiyên xwe gelek bi nav û deng bûn. Digel gelek sedemên dîrokî yek a sereke ku kurdan nikaribûn bi dîrokê re bimeşin û serfiraz bin, kêmbûna ronakbîrên wan bû. Dema di nivê yekem a sedesala 20'î de zanistî û perwerdeyê di dinyayê de bi berfirehî sax veda, kurdan nikaribûn ji vê derfeta nû feydeyê bigirin, ew hindik ciwanên ku di metropolên dagirkeran de perwerde dibûn, di nav sistema wan de diheliyan, pir kêmasî ji wan vedigeriyan welatê xwe. Ji ber vê ye ku em di serhildanên wê heyamê yên li Bakûr, Başûr û Rojhilat de dikarin tenê rastî hindik navên ronakbîran bîn û wan bibîrbînin.

Li gel Îhsan Nûrî Paşa, Nûman Efendî ronakbîrekî sereke ê berxwedana Araradê bû. Ji ber ku wî di salên 1920'î de li herêmên Bazîd û Îdirê xebatên welatparêziyê dimeşand, ew di dawiya serhildana sala 1925'an de hatibû sirgûnkirin. Lê Nûman Efendî piştî ku berxwedana Araradê destpêkir ji Bursa'yê reviya, bi meşeke bi lingan wî di 47 rojan de xwe gihand nav çiyayên Araradê û bû endamê rêvebirîya berxwedanê.

Pêşiyên Nûman Efendî, bi gotina biraziyê wî Şefîq Efendî, di dema serweriya Îshaq Paşa de ji Erdîşê warguhezî Bazîdê bûne û di dezgehên sazûmana wê de kar kirine. Nûman Efendî, di hin belgayan de wek Dundar Zade Nûman Hulusî Efendî, di sala 1885'an de li Erdîşê hatibû dinê, di dibistanên li Erzirom û Stenbolê de perwerde bûyû, piştî qedandina mekteba mulkiyeyê di sala 1910'an de vegehiyaye welat û gelek salan wek cigirê waliyê Bazîdê kar kiriyê.

Piştî ku rûsan herêm dagir kirin û di sala 1917'an de vekîşyan wan sê ronakbîrên kurd ku yek ji wan jî Nûman Efendî bû bi xwe biribûn. Goreyî hin çavkaniyên zargotinî ew bo Sibîrya'yê hatibû sirgûnkirin. Nûman Efendî di

Nûman Hulusî Efendî

sala 1922'an de vedigere welat, pêşiyê li Bazîdê wek mûdirê tapûyê û du salan şûnde jî li bajarê Îdirê wek parêzer kar dike. Nûman Efendî li herdu herêman jî bi berpirsiyarî alîkariya gelê xwe dike û ew ji aliyê civakê ve jî wek aqilbend û mirovekî dilpak tê ecibandin.

Em ji nameya Lord Zade Îbrahîm Heqî ji Bazîdê û bersîva Nûman Efendî fêr dibin ku ew çiqas dereng di reşemîya sala 1928'an de li Araradê di nav berxwedanê de ye. Ev nameyan di pirtûka Celadet Bedîrxwan a bi navê "La Question Kurde" (Pirsa Kurdî) di sala 1930'î de hatine çapkirin.

Di nameya ji roja 21.02.1918'an de Îbrahîm Heqî ji Nûman Efendî re dinivîse ku wî jî walî û hikûmetê bona efûkirina wî soz girtiye. Nûman Efendî di nameya xwe de balê dikêşîne ser wê yekê ku wî tu caran efû nexwastiye û destnîşan dike, wekî dema ku welatê wî tê wêrankirin û bi milyonan kurd tîr sirgûnkirin vegeer û teslîmbûna wî ne mimkûn e, pîrsa Nûman Efendî ne berjewendîya wî bi xwe ye, ew jî bo çareserkerina pîrsa netewa kurd li çiyayên e. Di bersîva Nûman Efendî a dîr û dirêj de gelek êşkere diyar dibe ku ew ronakbîrekî gelek zana û welatparêz e:

"...Dema ez dixwazim ji we re qala trajediya bi hezaran jin, keçîk û zarokên kurd yên ku li ser rîya sirgûniyê de bê çare û bê alîkarî mabûn û ji ber nexwaşî û birçîbûnê dimirin dikim, ji dilê min xwîn diherike, seranserê canê min diricife. Li ser wan êrişên ewqas bi hovane dihatin meşandin ku mirina rûsar jî ji wan belengazan re wek rizgariya ji vê zilmê bû.. Di cihê sirgûniyê de jî te digot ewqas zilm û zordariya sirgûniyê têr nekiribû, bi ser de bi zordestî rojnameyên xwe bi me didan xwendin yên ku di gotarên xwe de heqaret bi me, bi nîşanên me yên pîroz, netewa me, bi şeref û dîroka me dikirin. Bi vî awayî hestên me kontrol dikirin. ..."

Goreyî çavkaniyên derbarê Nûman Efendî de ew di bihara sala 1930'î de di nav bajarê Îdirê de bûye. Wê demê di nav bajarê Îdirê de azeryên ku ji Kafkasya'ya Başûr reviyabûn jî diman. Ji wan azeryekî bi navê Îshaq, yê ku di dema şerê mezin de ji gundekî Rewanê reviyabû û hatibû Îdirê, yekî bi qûrebûn û zordariya xwe navdar bûye û li wir bûye dostê serokê sixûriya dewletê Hûsnû Bîngol. Rojekê Îshaqê azerî di nava bajêr de li kurdekî belengaz heqaret û zilmê dike. Nûman Efendî yê ku ji wir derbas dibû û vê bûyerê bi çavên serê xwe dibîne, xîreta wî vê yekê qebûl nake. Ew xwe digihîne wan bi Îshaqê azerî dest bi gengeşiyê dike û wî kurdî bi navê Eloyê Horgofê ji destên wî rigaz dike.

Hûsnû Bîngolê ku ji ber welatparêziya



Nûman Efendî ji wî re bi kîn û rik bû vê bûyerê dike derfê û komplokekê li dijî wî amade dike. Dema Nûman Efendî tev mêvanekî xwe û malbata xwe serê êvarê derdikeve gerê, bi xayîntî tê gulebarankirin û jiyana xwe ji dest dide. Nûçeya bûyerê bi lez belav dibe û şewateke giran dike dilê kurdan. Perek ji civakê leşkeran wek kujer destnîşan dike û para din jî şikê dibe ser Îshaqê azerî.

Piştî bûyerê di demeke ku giregirên kurdan ên wek Kerem Begê Torinê û Ahmed Şemoyê Gêloyî li hev dicivin, Melahat xanima jina Nûman Efendî derdikeve pêşiya wan û laçika serê xwe davêje erdê û dibêje: "Xwîna mirovekî wekî Nûman Efendî li erdê ma, vê laçika min bidin serê xwe û di nav civakê de bigerin" ango tolhildana mêrê wê deynê stûyê wan e.

Di heman demê de Eloyê Horgofê jî xwe wek sûcdar dihesibîne, bi ser de civaka kurd jî zorê dide ser wî. Gire-

girên kurdan jî bangî Elo dikin û ji wî re dibêjin ku divê ew vî erkî hilde ser milê xwe û xwe ji bin vî barî derxîne. Bi vî awayî Elo her roj şopa Îshaqê azerî digerrîne ku heyfa Nûman Efendî ji wî derîne.

Rojekê Elo dibihîse ku Îshaqê azerî li bajarê Agirî ye, ew tev xalê xwe Mihemed xwe digihîne bajêr û du rojan li pey Îshaq digere. Di dawiyê de xwe bi wî re digihîne û çardeh guleyan berdide serê wî û di cih de dike. Elo piştê jî aliyê cendirmeyan de tê girtin, goreyî hin agahiyan ew 15 salan û yên hinan jî 10 salan di girtîgehê de dimîne û piştî serbest berdanê vedigere gundê xwe.

Derbarê Nûman Efendî de mixabîn gelek kêmasî agahî di çavkaniyên nivîskî de hene. Bi ser de ked û xebatên Nûman Efendî ku bêşek ji dîroka ronakbîriya kurdîne jî aliyê nîfşên nû de nayê zanîn, ne navê wî li ser kolan an jî dezgeheke kurdî hatiye danîn ne jî cihê gora wî diyar e.

Dengbêj Mehmûd Qizil:

Kurd bi lorîkan mezin bûne

Mehmet Emin Kan

Têkiliya we û civatê çawa ye? Hun beşdarî civatan dibîn?

Ez dengbêjê civatan nîn im û di civatan de kilaman nabêjim. Ez wek mirovekî kurd ji bona kurdayetiyê derdikevim televîzyonan û li der û doran dengbejiyê dikim. Di sala 1965'an de li Tirkîyeyê yekemîn plaka kurdî ya bi nave " Lorî Lorî Cembeliyê Min Lorî " min çêkir. Sedema ku min nave plakê kir 'Lorî lorî' jî ev bû: Tevahiya kurdan bi lorikan mezin bûne. Di serî de min lorikan strand da ku herkes zanibe zimanê dayika me heye. Ji tevahiya zimanê dinyayê re rêzdariya me heye û em hurmetê didin hemû zimanan, ji vê sedemê jî wan gelên ku em ji wan hez dikin û rêzdariya me ji zimanê wan re heye em ji wan dixwazin ku ew jî ji rêzê li zimanê me bigirin. Piştî plaka min a 'Cembelîlê min lorî' derket, 53 plakên din ên kurdî derketin. Hin tiştên ku ez lê poşman bûme jî hene; Divê mirov li mezin, mamoste û dengbêjên xwe yên ku pêşî li me vekirine xwedî derkeve û wan her vejîne. Ji ber ku ez naxwazim pirsgrîrêk derkevin ez ne diçim mala dengbêjan, ne jî bi mezinan re têkiliyan datînim. Çimku, dema ku mirov mezin bibe, divê mirov li welatê xwe, li mirov, dost û xizmên xwe xedî derkeve. Ji ber vê yekê ez naçim nav civatan, heta ku ew nebêjin mamoste û bi min re têkiliyê çênekin, ez bi wan re têkiliyê çênakim.

Dema ku min plak çêdikirin min ji gelek

Her çend li gelek bajarên Bakurê Kurdistanê li ser kelepura kurd gelek sazî ava bibin û bixwazin rê li ber pişavtinê bigrin jî, ji alî rewşenbîr, dengbêj û lêkolîneran ve carinan têne rexnekirin. Bilbilê Amedê Dengbêj Mahmud Qizilê hevrêyê Eyşe Şan û Şakiro jî, ji ber rewşa heyî ya muzîka kurd, ji rayedarên dezgehên kelepore bi gazin e û pêwîst dibîne ku qîmeta dengbêjî û dengbêjan bê zanîn. Dengbêj Mahmud Qizil demeke dirêj dervediket ser ekranên televîzyonan, nedistrî û destê xwe ji hemu tiştî kişandibû. Qizil sedemê bêdengiya xwe, rewşa dengbêjî û muzîka kurd ji me re vegot.

dengbêjan re got werin plakên xwe derxin lê kes nedihat, ditirsiyan. Mînak min ji Şakiro re got, 'Şakir tu dengbêjekî baş î, were em ji te re plak derxin, bila dengê te belav bibe.' Şakir ji min re got ku 'te serê xwe kiriye ben tu dibêjî ez jî sere xwe têxim ben.' Di serî de ez çûm cem Eyşe Şan, we demê Eyşe Şan bi tirkî digot, min jê re got were pilaka kurdî em ji te re derxin. Eyşe Şan ji min re got tu dev li canê xwe dikî û qebûl nekîr. Yanî wê demê min kir nekîr tu kesî ku bi wêribê pilaka kurdî derxe tune bû, min gelek pêşniyarî kirin, lê min encam negirt, kesî newêribû were kilamê bigota. Piştî ku mêze kirin ku ez derdixim û pir zêde jî pirsgrîrêk der-nayên piştî sala 1967'an şûn de Eyşe Şan û Huseynê Farê pilak derxistin.

Dema ku we ew plakê derxist, çi zor û zehmetî derketin? Eleqeyê çawa hebû ?

Ez dikarim bêjim min lédan, çêr nedît, lê sedema wan plakên ku min derdixist ez pir çûm dadgehan û hatim. Dema ku min klama kurdî got herkesî ew plaka min da serserê xwe, heta li Amerîkayê danibûn ser serê xwe gotibûn; 'em wê plakê wek tacê bi kar tinin.' Di malbata min de dengbêj tune bûn, bavê min digot, lê di civatan de nedigot. Min kilama Cembeli ji bavê xwe hîn kir, min çend kilamên din jî jê hîn kir, Lê yê din min çêkir. Mînak min li ser Wekîlan, li ser Yûsûf Azizoglu, li ser aga, beg û şexan, li ser xwezayê kilam çêkirine. Di wê demê de kurdan bi tevahî yên ku derfetên wan hebû bi giştî li stranên kurdî gûhdarî dikirin.

Hun rewşa dengbêjiya niha û muzîka nû çawa dibînin û guhdarî dikin?

Li ber dilê min dest bi popê kirinê, wekî qeşmeriyan

kirine, wekî ku mirov bi wan heneka xwe bikê muzîka me herimandine, ez wan tiştan qet guhdarî nakim. Anihî yên ku wan muzîkan çêdikin tev zarokên dewlemendan e û diçin firmayan pere didin dibêjin hûn kilamên me, klîbên me çêbikin ku em bikevin nava keç û xortan, van tiştan ji me pir dûr in û ez qet wan guhdarî nakim. Mirovekî heke ku dengbêj bibe dixwazî bila yek kilamê wî tenê hebê ew serê min e, ez dikarim bibêjim ez lingê wî me. Bila bi namûs û şerefa xwe dengbêjiyê bike, bila kurd be, ez ji mirovên wisa re spasiya xwe dikim. Dema ku dengbêj be, em bêjin 2000 kilamên wî hebin û ku li hev û dû neyînê kilamên wî li hev neyên ez wî jî dengbêj nahesibînim û ez guhdariya wî jî nakim.

Eleqeyê çawa ji dengbêjî û Mala Dengbêjan re heye ?

Mala Dengbêjan fikra min bû, min ji Serokê Şaredariya Bajarê Mezin Osman Baydemîr re got pêwîstiyê ji dengbêjan re heye, hûn dengbêjan di hewşê de wek dîkan berî hev û din didin ev ne tiştê rast e, ji dengbêjan re cihê pêwîst e. Îro dengbêjî tunebûna zimanê dayika me jî tune bû, bi xêra dengbêjan zimanê dayika me maye, hûn çima vî zimanî xera dikin, jê re nabin alîkar. Osman Baydemîr jî got em çawa bikin, min pêşniyarî kir û got cihê vekin ji wan re, bila kî dixwaze dengbêjiyê bike û kî bixwaze ku wan guhdarî bike bila here wê derê wan guhdarî bike. Bila wan di nav hewşan de bera hev nedin ez vî tiştî qebûl nakim. Min ev mala dengbêjan anî hole, min pêşniyar kir lê camêran di binî de listikan listin, rabûn xwe kirin pêş û min dan paşê. Ew popa kurdî ku wan ciwanan derxistiye, îcar extiyar jî bi wan re popê dilizin, tu kes êdî gudariya dengbêjiyê nake.

Çima we dev ji dengbêjiyê berda û dîsa destpê kir? Gelo hun jî tiştê aciz bûn?



Rast

e. Ji ber ku berpîrsiyar li serê nasekinin, çiqas nezan û nebaş hene giş girtine. Ji ber vî ez sekinim. Min got xwezî min kilam negotibana. Lê dawîya dawî min dîsa dest pê kir. Min di sala 1967'an de sitranek li ser wekîlan çêkir. Min ew rezîl kirin. Bila her kes plaka min guhdarî bike. Navê wê plakê "Wekîlên Me" ye. Ew pê hesiyan ku min di vê plakê de ew rezîl kirine. Azizoglu yê rehmetî gelek qenciyan wî bo kurdan çêbû. Piştî mirina wî îcar min li ser wî kilamê çêkir. Ewên din gotin çima tu li serê wisa çêkiriye, li ser me wisa? Min got hûn jî bibûna Azizoglu, lê hûn nebûn Azizoglu. Gava mirovek xizmetê bike ji kurdan re ji welatê xwe re, ez benî û xizmekarê wî mirovî me. Lê heke mirovek xizmetê neke, qewmê xwe, mirovê xwe bifroşe û berîka xwe tije bike ez wî mirovî dikime binê lingên xwe.

Gelî xwişk û bira, derdê me, pîrr e kulê me giran e

Çavê me kor e, hiş û aqil li serê me nemane

Wellahî em nas nakin însane Hema me dixapînin

Min ev pîlaq di sala 1967'an de çêkiriye. Min li dinyayê da naskirinê ku milletwekîlî wiha ne wiha ne. Îcar bi berpîrsiyaran re ketin têkiliyê. Di encamê de berpîrsiyaran gudariya min nekîr, min jî guhdariya wan nekîr. Ji ber vê min dev jê berda. Gava tu qedrê min bizanibî ez 10 caran qedrê te dizanim heke tu qedrê min nizanibî ez jî pazdeh gav paş de diçim.

